


聖教雜誌

REVUE CATHOLIQUE




中華民國十一年第十一年全

天主降生一千九百二十二年

第一二一册至一百三十二册

聖教雜誌

REVUE CATHOLIQUE



中華民國十一年陽曆一月

天主降生一千九百二十二年

N° 121

第十一年 第一期

要目

- 插畫○吳家宅長橋國民學校慶祝山院長本名紀念
- 海門類思學校第一次高小畢業攝影
- 論說○社會叢談續 (聽鵬譯) 男女同校論 (師鴻)
- 雜著○吳家宅及長橋達義第一第二國民學校小史 (浮槎守瓊)
- 專件○福建穆陽玫瑰會恭迎聖母誌盛 大足縣黃安德助行狀 (黃若瑟來稿) 比利時全國開聖母大會之盛況 (譯王司鐸函) 江南進行會會員參與木瀆開堂盛典記
- 說林○不值一文續 (悲秋譯)
- 近事○羅瑪之部 本國之部 外國之部
- 中外大事表

聖教雜誌價目表

本報月出一期全年十二期
報資全年大洋八角

郵費全年 中國郵局 一角二分

類思師範學校招生廣告

一 宗旨 本校為天主教所立專為栽培教中子弟以養成教立小學校教員為宗旨

二 科目 教授修身教育國文國語數學歷史地理博物物理化學法制經濟樂歌圖畫手工體操商業簿記教育實習(如查過英法文者得於課後溫習之)

三 畢業 預科及速成科一年本科二年預科畢業後則升入本科惟至本科畢業時如其程度尙未及格須留校補習一年

四 資格 入預科者以品行端正身體健全年在十六歲以上二十五歲以下並曾在高小畢業者為合格入速成科者以曾在中等學校畢業或有同等之程度者為合格

五 納費 每年暫收膳費六十元分期繳納其他書籍操衣等費則由各人自備
六 報名 凡具有上項資格者須經各地總本堂或本堂司鐸之介紹在民國十一年二月十日以前

七考期

前將畢業證書寄至本校如証書遺失或未及領証書者須有母校校長之証明書
民國十一年二月十四日至十六日(即陰曆正月十八日至二十日)隨到隨考入預科者考國文數學(命分小數比例)入速成科者考國文數學代數及英文或法文(過期不補)

八 開學 二月十六日(即陰曆正月二十日)
九 校址 上海徐家匯天主堂路

徐家匯院長山宗泰白

為余山新堂捐款誌謝

七寶會劉子汀君助洋四十元特此誌謝奉揚仁風

琺瑯品件出售

琺瑯製造(Cloisonne)為我國藝術特品本廠延請名匠督造五金貨物加以琺瑯綵繪花巧玲瓏幾奪天工凡聖堂中應用苦像蠟臺花瓶屏幃等器無奇不有定價頗為克己欲購者屈駕來廠選擇可也
土山灣銅匠間告白

聖教雜誌第十一卷目錄

天主降生一千九百二十二年
中華民國十一年

第一期

一月 一頁至四十八頁

插畫

吳家宅長橋國民學校慶祝山院長本名紀念

海門類思學校第一次高小畢業攝影

社會叢談續(聽鷗譯) 男女同校論(師鴻)

論說

吳家宅及長橋達義第一第二國民學校小史

(浮槎守瓊)

專件

福建穆陽玫瑰會恭迎聖母誌盛 大足縣黃安

德肋行狀(黃若瑟來稿) 比利時全國開聖母

大會盛況(譯王遠志司鐸函) 江南進行會

會員參與本讚開堂盛典記

不值一文續(悲秋譯)

說林

羅瑪之部 本國之部 外國之部

近事

中外大事表

第二期 二月 四十九頁至九十六頁

插畫

大行教皇本篤第十五之御容 羅瑪萬國青年

大會紀念影 法庫縣栢司鐸遷移假山攝影

社會叢談續(聽鷗譯)

徐滙公學排演耶穌聖誕故事(芷湘師鴻) 山

專件

西閩兼省長勸戒骨肉息訟之仁風

雜著

羅瑪青年大會記畧 法庫縣栢國喬司鐸遷移

目錄

考據

華府會議議場之歷史

不值一文續(悲秋譯)

說林

民團撲攻貴縣之始末(虛心)

答問隨筆(陳晉賢)

論道

羅瑪之部 本國之部 外國之部

近事

中外大事表

第三期 三月 九十七頁至一百四十四頁

插畫

當今教皇庇護第十一之御容

論說

社會叢談續(聽鷗譯)

傳記

誓反教首路得之真相(望月)

雜著

聖五傷方濟各頌讚并序(成和德司鐸) 避靜

俚言(河間孫漢章) 輓潘司鐸聯 輓潘司鐸

詩 哭潘司鐸詞二闕 追悼潘司鐸七律二首

追悼張司鐸詞二闕 元宵詩 過年詩

不值一文續(悲秋譯)

專件

西伯利亞之聖教談(岫雲)

一

近事	羅瑪之部 本國之部 外國之部
中外大事表	
第四期	四月 一百四十五頁至一百九十二頁
插畫	土山新建聖堂正面攝影 又側面攝影
述序	土山傳教歷史及新堂祝聖記畧(幼松)
論說	七答(械材遺稿)
公牘	羅瑪傳信部創立後三百週年之紀念
傳記	中國教務紀畧
專件	萬國聖體大會 普育兩等學校全體學生恭祝陸校長本名瞻禮記(汪君素)
說林	不值一文續(悲秋譯)
文苑	春遊芳草地三十詠(伊人)
近事	羅瑪之部 本國之部 外國之部
中外大事表	
第五期	五月 一百九十三頁至二百四十頁
插畫	當今教皇庇護第十一御容 前教皇本篤第十五遺容
傳記	當今教皇庇護第十一之歷史 前教皇本篤第十五之勳績 教皇本篤第十五崩後之弔唁(譯宗座大事錄) 開教滬濱郭居靜司鐸傳(殘烟) 中國教務紀畧續
專件	山西南境主教區域學務情形之報告(獨憂室)

文苑	主來稿) 修改歷書之動議(譯香港傳教會雜誌) 祈禱聖心軍之近訊(譯孟司鐸來函) 咏聖母 參觀吳家宅長橋國民二校即事 輓潘公秋麓 前題 哭鄂東方濟各會院長范公 遵師 喜荊州田仁元先生見訪 率校生郊外旅行 暮春有感
近事	羅瑪之部 本國之部 外國之部
中外大事表	
第六期	六月 二百四十一頁至二百八十八頁
插畫	四位真福華鐸攝影 董家渡聖母會五十週年紀念攝影
傳記	四位真福華鐸小傳(譯傳教會修院著) 真福趙奧斯定 真福袁若瑟 真福劉保祿 真福劉達陡 中國教務紀畧續
公牘	新教皇修正禁宮選舉章程(譯宗座大事錄)
專件	鹿苑灘裡若瑟堂百週大慶記(覺非)
文苑	如夢令 賣花聲 聖心入王家庭聯 聖心聯 恭迎聖心入王家庭一律 初夏客窗遺興 月下口占 詠聖母德敘禱文 聖瑪利亞 天主聖母 耶穌復活 酒 紀念山朝聖十二絕 不值一文續(悲秋譯)
說林	羅瑪之部 本國之部 外國之部
近事	
中外大事表	

第七期 七月 二百八十九頁至三百三十六頁

插畫 衡陽正德國民學校 德華高等小學校

公牘 欽定聖母及聖女若翰納達爾格為法國主保恩

論

論說 同善社禍國禍教說(張智良司鐸來稿)

傳記 前教皇本篤第十五之政績(師鴻)

專件 粵軍班師時貴縣之見聞錄(黃司鐸來稿) 俄

國大饑呼籲賑濟(錄本滙聖心報) 護守天神

救靈出險劇(田如歌來稿) 灘裡有原堂百年

紀念頌詞 吳總鐸恩格之去思 詠迎聖體大會 詠聖母

文苑 德叙禱文 童身之聖童身者 基利斯督之母

近事 羅瑪之部 本國之部 外國之部

中外大事表

第八期 八月 三百三十七頁至三百八十四頁

插畫 湖北西南境慶祝劉真福致命百年紀念 山東

論說 武城天主堂私立上智學校學生畢業紀念影

傳記 五十年來之世界宗教(華封老人)

余山拜母日遇雨記(沈楚馨) 奔牛天主堂落

成小史(秦西成來稿) 澳門新任主教高若瑟

履歷與澳門之教區(李仲漁司鐸來稿) 胡司

鐸類思晉陞後銀慶誌畧 漢口祝聖恩主教禮

目錄

考據

說林 典記(成和德司鐸來稿) 南懷仁本鄉之風景

近事 苦像考畧(磐石) 不值一文續(悲秋譯)

中外大事表

第九期 九月 三百八十五頁至四百三十二頁

插畫 星洲聖心堂文大司鐸六旬慶辰紀念影 民國

論說 十年元月安多尼學校高小第四班畢業紀念影

公牘 五十年來之世界宗教續(華封老人) 論教友宜

傳記 注意於小學教師之培植(陸秋坪來稿)

盧梭小傳(譯法國旅行報) 江西餘江主教治區

說林 不值一文續(悲秋譯) 復活瞻禮之鐘聲

雜著 驪馬 摺疊扇銘 無腸公子傳 咏聖若瑟

近事 答叔鷗 足球歌 旅鄂贈徐毓黃 諸宗徒詩

中外大事表 羅瑪之部 本國之部 外國之部

第十期

插畫 十月 四百三十三頁至四百八十頁

張伯祿司鐸臨別紀念攝影 漢口祝聖恩主教

三

論說	紀念攝影 五十年來之世界宗教續(華封老人) 留別南通教友辭 擬修士解嘲
傳記	羅瑪萬國聖體大會記盛(帥鴻) 華爾歹爾小傳
課藝	擬慈蔭軒記(薛聿龍) 說風(趙潤生)
說林	不值一文續(悲秋譯)
文苑	驩迎張維揚司鐸蒞臨鹿苑新任 感懷
近事	羅瑪之部 本國之部 外國之部
中外大事表	
第十一期	十一月 四百八十一頁至五百二十八頁
插畫	上海中法學堂教職員歡迎主母會總長之代表 馬公攝影 崇明外沙母佑堂達尼老國民學校全體學生攝影
論說	五十年來之世界宗教續(華封老人) 論非宗教同盟會 賀安徽第一任主教胡公書博演說詞(磐石)
傳記	續羅瑪萬國聖體大會記盛(帥鴻) 參與羅瑪萬國聖體大會記畧(陸增祺來稿) 銀號隊考 魏啞師西加爾司鐸小傳
課藝	讀戴禮內則篇書後(徐肇昫) 前題(朱惠貞)

文苑	吾之快心(王依修) 和汪君仍牆送別原韻 答陸君增祺
說林	不值一文續(悲秋譯)
近事	羅瑪之部 本國之部 外國之部
中外大事表	
第十二期	十二月 五百二十九頁至五百七十六頁
插畫	普育兩等學校童子軍成立攝影 浙江車輻浜玫瑰總堂五旬週年大慶攝影
論說	五十年來之世界宗教續(華封老人) 論解答萬物何自之問題為吾人之要事 教宗不出華諦岡之揣測
傳記	海門黃方濟司鐸小傳(磐石) 中國教務紀畧 續 亞爾長端耶穌聖袍考 郭棟臣大司鐸晉鐸後五十週年全慶記盛(張則維司鐸來稿)
課藝	說皮球(沈宗濂) 擬安樂鄉記(蔣樂安) 說水火之功用(陸廷棟)
文苑	重九日 九日與平原隱士登樓有感
說林	不值一文續(悲秋譯)
近事	羅瑪之部 本國之部 外國之部
中外大事表	

民國十年十一月十日
家宅長橋達義第一
二國民學
校慶
祝山
院長
本名
紀念



10 Nov 1921

江蘇海州第一中學



論說 社會叢談 (續) J. Verdier 原著

社會主義 歷史

第三段落 實行派社會主義

至第三段落。可謂社會主義。施諸實行。且最佔勢力矣。若欲確定此段之時代。則當以一千八百七十年爲始。蓋自是年。而聯合運動。遍於文明各邦也。團體之以社會主義爲鮮明之標幟者。所在皆是。團體之聯合組織。亦至是時而始告完密。出版機關。形勢鞏固。傳播報章著述於各地。以鳴人類之不平。以宣黨務之佳况。當選舉時。社會黨擬選之人名錄。與其宣言書。高揭於各地之通衢。至二十世紀之初。而歐羅巴各議會中。社會黨佔議席者有數百人矣。吾於此不能將各地社會主義之情况。一一繪聲繪色。蓋若欲爲讀者昭示各方面圓滿之觀念。勢必作冗長之討論。而後可。此則非叢談範圍所能包函者也。吾第取法蘭西社會運動之大勢。部分類別之名稱。與夫依據假借之種種趨勢。畧加闡釋。畧陳數語而已。

一千八百七十年戰事之前。法蘭西社會主義所收之成效。遠不如日耳曼之大。然自此年始。遂有一日千里之勢。掌筆政者。欲於事實學說。黨會紛紜錯雜。繼長增高。變幻莫測。忽離忽合之中。描寫其實况。非易事也。

論說 社會叢談

一

1



過二者而已。(甲)甲派名稱。遞爲更變。初名全體派。以其欲將社會黨擬議之條件。全體見之實事也。繼名革命派。以其欲將今日社會之種種組織。一舉而盡覆之也。後名 *Marxiste* 馬克斯派。以其學說志向。皆此著名之日耳曼社會黨魁所畀賦也。又名顛覆派。以其欲得一猛驟之改革也。又名自由派。以其欲將自由權之障礙物。及種種壓制。一舉而盡空之也。凡此種種。非同義之名稱也。其間固稍有區別。然皆向前猛進之社會運動也。故括之於一類之中。

(乙)乙派名爲改造派。可能派。擴張派。政治派。穩健派。此派非置社會思想於不顧。第欲因時乘便。然後見之實行耳。彼儕之進行也。或假途於政治。或植黨於議院。或與社會摺紳共分治理之權。或與資本家作合力之運動。自彼儕視之。政府者。無所偏袒之勢力也。惟視掌握者爲何人耳。若執政者而爲社會黨人。則政府所創造者。卽爲社會黨之事實矣。賴此派之連續進行。而新制度之種種法律。庶幾成立矣。

此兩派之名稱。各地不同。社會黨各部分之年會。無不堅持己見。而攻擊其異己者。一千八百八十九年時。馬克斯主義及可能主義最盛。而一千八百九十九年。至一千九百年。巴黎之會。一千九百零一年。Lyon里昂之會。則易思想問題爲人材問題矣。自此以後。所謂 *Parti socialiste français* 法人之社會黨者。實包 *Boussinist* 勃羅西斯黨。及一切獨立社會黨而言。改造派之代表名詞也。所謂 *Parti socialiste de France* 法國之社會黨者。實包革命黨及其相似之黨派而言。激烈派之代表名

詞也。

一千九百零四年。社會黨開會於 Amsterdam 阿姆斯特丹。而大末兩派合議。定一新名。其主張破除國界之社會黨員。聯合建議。言社會主義。有一無二。猶下等階級之有一無二也。社會主義之種種思想。產於一母。一母維何。階級之爭是已。故社會主義之自視也。不可自居於城市共和黨之一種。當以革命黨自居。又當以階級黨自居也。自此議一出。而凡列名於阿姆斯特丹。而大末。宣言中者。定名為聯合社會黨。他凡不棄社會思想。而仍與城市搢紳相聯絡者。謂之異說社會黨。又名獨立社會黨。此名至今相承不廢焉。然社會黨者。黨之最活動者也。往往橫溢於區分種類之外。今雖以聯合獨立兩派為大宗。然兩者外。類似之社會黨。固尚不可勝計也。

至一千九百十四年。大戰開始之際。若欲知社會黨之大勢。可分為三派。曰右派。曰中派。曰左派。(一)右派者。即議院社會黨。昔日所謂獨立社會黨也。實包勃羅西斯黨。可能黨。及溫和緩進諸黨而言。所得稅之加增。鐵路權之收歸國有。與夫種種制度。可以導今日之社會。入於社會主義之組織者。此派皆力助之。其中以獨立社會黨及激烈社會黨人。為最估勢力。

(二)中派者。蓋特黨也。是黨以馬克斯主義之嫡派代表北方議員。Guesde 蓋特。而得名。彼於溫和派之主張。絕端反對。以為權力之占有。決不能從一部分着手。社會主義。當居於階級戰爭之地位。為不畏強禦之抵抗。是派又傳播描寫當代情形之小說。其中最所反對者。為愛國主義。竭

力誘導社會黨人加入勞動大會。是蓋附於聯合社會黨者也。

(三) 極端左黨者。即提倡勞動大會者所組織者也。勞動大會成立於 Linnoges 利瑪茹。其時爲一千八百九十五年。是會爲兩原質所合成。即國家職業聯合會及勞工儲蓄會也。國家職業聯合會。初由農村工團所組成。既而南方墾植工人。Lanues 郎特農人。中央伐木工人。陸續加入。最後則礦工亦入會矣。(一萬五千人同時加入) 最後加入者。其價值爲最高。蓋其中不特礦工已也。尚有運輸工人及一切活動之人。足以互相維繫也。

勞工儲蓄會所包之工團。種類至爲繁複。各工團每歲開聯合會於指定地點。聯合會之任務。在於釋儲蓄會徵收額金之緣由。各工團在儲蓄會中。共設秘書處。登記所。謀事部。休業儲全部。整理事務部。凡各工團罷工時之維持法。彼此援助之組織法。與夫興建平民大學。以推廣工人之教育。皆此會之責任也。

歐洲大戰之前。勞動大會。實欲設法消滅聯合社會黨。又欲廢除勃。羅。西。斯。黨。及一切紳士式之社會黨。凡提倡各階級合力策進之舉。彼皆視爲仇敵。彼欲保持階級之戰爭。彼之宗旨。不欲組織一國家式之新社會。而欲使今之社會。盡成工團。故勞動大會之社會主義者。實即工團革命主義也。吾於前數節。已畧論之矣。據斯主義。指揮生產。支配利益者。惟工團耳。實行主義之方法。不外全體罷工。直接行運。與夫反對尙武主義。及愛國主義而已。入是會者。共有四十萬人。

勞動大會主張雖激。烈然各分子之意見。仍未能一致。上所舉之兩派。仍對峙於會中。第有一意外事發生。則溫和傾向與激烈傾向之錯雜狀態。表現於極左黨中矣。

又有 *Hervés* 海而完衣斯脫黨者。無政府社會黨之一種也。欲掃除法律。議院。政府。愛國主義。及種種倫理。自彼儕視之。聯合罷工之外。又當附以武力革命。乃能得徹底之改革。乃能有真真之自由矣。

除海而完衣斯脫外。社會主義之各黨。固時有統一之象。惟不能永久聯合耳。 *Jean Jaurès* 若翰浴蘭。晚年發表之言論。最爲社會主義各黨會所信任。彼屢平各黨之爭。有彼此反抗者。彼必出而調和之。所持意義。雄偉而不切。然社會黨之信之者。實居多數也。

自大戰發生。而社會黨處於艱困之境。一千九百十四年八月二日之前。改造派與革命派對於戰事。持同一之態度。兩派一致反對。以勞動階級加入保衛國家之舉。昔當 *Asquith* 阿茄第。事件緊急之秋。勞動大會之秘書 *Leon Jouhaux* 萊翁柔屋。曾發一反抗用武之布告。所以破壞動員令者。無所不至。彼於 *Linkins* 蒲魯塞勒。及柏林。曾宣言曰。非愛國主義者。乃工團範圍以內事也。而不知者。久以此爲勞動大會所授意。(在下動員令之時) 謂受此意旨者。皆有驕矜自得之色。此實誤會。時至今日。不得不解釋而消滅之矣。

自大戰發生。而社會黨之形勢一變。工團中之領袖。爲愛國主義之怒濤所推盪。爲羣衆所逼迫。

爲其部屬所鄙棄。始而懼。繼而疑。卒至加入戰團而後已。中有數人。且入部辦事。與政府合力矣。然其間以此舉爲不然者。固未嘗無人也。聚而要約。以忠於革命工團主義之真原則爲職志。攻擊戰事。不少寬恕。或尾隨大軍之後。或直入溝塹之間。散播携貳軍心之說。陰設種種破壞之密謀。又與德意志之同志。潛會於NIMBORN。柔眉活特等處。苟可以謀和平者。彼儕置一切於不顧。而悉用之。聞俄羅斯之革命。則歡呼而偏袒之。對於入部辦事之黨員。則痛詆之。以爲融冶數階級於一爐。實至危險之現象也。此兩派人。無以名之。名之曰。多數黨與少數黨。多數黨者。雖所抱宗旨。各不相謀。而對於戰事。皆主加入。與未入黨之國民無異者也。少數黨者。人數較少之團體。竭力衛護革命工團主義。仇視戰事。不肯變節。以從流俗者也。

在戰事綿延之中。又可見兩派繫屬之勞動大會。漸將一切活動之社會黨。及奮勉之工團。盡行吸收。勞動界中初惟志向堅定。及意氣雄壯者。入此大會。繼則欲乘機獲得利益者。亦參加矣。其終也。雖徬徨不定之子。亦接踵而往。故居今之世。而言社會主義。當以勞動大會爲最有力之團體。有心時務者。不可不屬意也。

勞動大會。曾於是年九月十五日星期一之晨。至二十一日星期六之晚。開第十四次大會於里昂。是又爲國家團體之第二十次大會。會員凡千五百人。所代表之工團。有二千零二十三個之多。此千五百人之代表。皆託二百萬工人之名義。以發言。其實安有此數。蓋張大之詞也。

此次大會討論之主要題。其關係至爲重要。多數黨與少數黨。彼此以違背黨義相詬詈。相譏諷者久矣。有數次開會。竟因用武而擾亂會場。其會於里昂也。蓋因大戰之際。黨中人物。有主張與黨外人聯合作戰者。今將拒絕此等動作乎。抑將仍從事於階級之戰爭乎。會中討論之主題。如是而已。

於是會場中。多數黨即發宣告。大致謂有組織之工人。從階級戰爭而發生。是階級戰爭者。工人獲得一切效果之根源也。又謂階級戰爭之宗旨。不外消滅資本制度。及工資制度而已。階級戰爭之結果。不外造成一共產制度之新組織而已。故若以堅決鮮明之辭表之。則工團主義者。以根源論。以性質論。以永久之思想論。實一種革命勢力也。由是觀之。多數黨對於中等階級之戰爭。昭昭明矣。其持階級戰爭之革命主義。已宣洩無遺矣。

然少數黨不因是而休戰也。三百二十四工團。皆不信多數黨之宣言。雖宣言中之意義。皆社會主義之主要原則。而彼僭對於多數黨之重要代表。當大戰之際。明棄其階級之爭。而與仇敵階級深相結納。歡然合力。深引爲憾也。有一事。足以證少數黨態度之粗暴。Jouhaux 柔渥之與 Malvy 瑪爾費內閣聯合也。爲義務財產支配會會員。又爲國家互助會會員。此係個人之政治運動耳。且其從事於政治運動也。實應數工團之請求。然其因少數黨之反對而出席也。激烈者大聲斥之曰。速去。爾今爲寶星帶所束縛矣。速去。吾儕不爾信也。故法蘭西之社會主義。是偏向左

黨者。階級之爭。方興未艾。而中有數人。又從而煽動之。使造乎無可消釋之境界焉。然社會黨之期望。不能一蹴即幾者。亦有數原因焉。(甲)勞工大會。形式固壯偉矣。而內部黨派之抗爭甚烈。觀於里昂之會。即可知多數黨與少數黨之趨向方法。完全反對。其態度至為明顯。自此以後。持論激烈之報紙。其最著者。若勞動萬歲報。若平民報。皆為鈎心鬥角之筆墨戰爭。會有一社會黨員論之曰。吾儕對於破壞。固可合力。對於建設。則不能也。社會黨之不能日即於成功者。此其一原因也。(乙)一部分嘗試之舉。往往流產。而其最著者。為七月廿一日總同盟罷工之失敗。自此以後。多數黨諸領袖所揭勞動階級之革命運動。尙未達成熟之期之一語。眾皆信奉之。不敢有異辭矣。又有一黨魁。則謂勞動階級。第從物質方面着手。當可少蘇痛苦。若欲為體魄範圍以外之運動。未有不受恐怖者。此類思想。中正和平。漸與黨外人接近。然攻擊資本社會之勇氣。亦因是而衰矣。(丙)社會黨之統帥。不能不承認勞動界道德之敗壞。實足為貫徹主義之障礙。社會黨之會於里昂也。Merriman 梅海末大言曰。一切貪慾。無不緣戰爭而起。即勞動界亦不能免此弊病。置一切主義於不顧。而惟以多獲金錢為職志。既得矣。又欲再得。余欲拯拔勞動界於不道德之境地。蓋工人之道德喪。而吾輩將受覆壓矣。即社會主義。亦將沉淪矣。梅海末之言。蓋欲免除危險。并欲維持勞動階級。使之永立於戰爭之地位。以求總同盟罷工之實現。然為之者。仍不能免蹈危機也。蓋羣眾心理。往往因有所不快。有所缺乏。而趨於激烈。和平幸福之虛

偽語。彼儕不特不受籠絡。且從而攻擊之矣。

(未完)

男女同校論

師鴻

自萬國通商。五洲互市以來。吾華人腦筋內。遂印有模倣二字。凡歐美人之所爲者。不問其是非曲直。貿然倣效。以爲不如是。不足爲維新也。殊不知木大必有枯枝。璧美難無微玷。而况歐美之大白人之眾。制度紛紜。意見錯雜。豈其凡百制度。皆有利無弊者耶。且歐美與吾國。人民性質不同。俗尚各異。故卽同一優美制度。亦有宜於彼而不宜於此者。而吾國人不知審時度勢。一味模倣西人。一若歐美之制度。皆爲全美無缺者。不亦惑乎。猶憶癸丑乙卯之間。崇孔之徒。見各國之有國教也。遂不問儒家之究有宗教性質與否。遽而效人之輦。強欲立爲國教。幸當時有識者起爲力爭。始達打消目的。不意近數年來。彼自命爲新學界之偉人。竟思以外人男女同校之狂潮。施行於中國。其間利害得失。絲毫不加審察。無怪西人之笑吾國人富有模倣性質也。或曰。以子之言。中國不能行男女同校之制乎。曰。是又不然。請以余管見所及。畧陳於下。

夫男女同校問題。當別二途而論。一爲幼稚時代之男女同校。卽國民小學男女學生同校。是。一爲青年時代之男女同校。卽自高等小學以迄大學專科。男女學生同校。是也。幼稚學生。智識未開。能保其固有之天真。對於不規則之舉動。茫然無知。故幼稚男女同校。神形並無危險。且可以節省經費。簡直可謂有利無弊者矣。至若高小以上之學生。正在青年時代。血氣方剛。心旌未定。

一行男女同校之制。則倘規越矩之事。縱情肆志之端。行將層出不窮。作者之所以爲此言者。非自賤我同胞也。蓋以吾國人民。今日程度尙低。不如守吾國固有之文明。免致神形上之危險。所謂男女授受不親之禮。在新學界。未免笑其腦筋太舊。然保存道德。維持風化。誠有非此不爲功者矣。

彼歐美各國之所以行男女同校之制者。因若輩男女平權。已行百數年之久。男女雜處。司空見慣。故雖同校。亦不覺爲奇。若吾中國。則自古以來。男女界限分明。一旦而行男女同校之制。吾恐利益未見。而弊竇已叢生也。希臘哲學家 Aristotle 亞利司刀脫之言曰。國家受害之烈。無有過於女學之不修。今行男女同校之制。女學非特不修。且使日處於污敗地步。則國家之受害。豈有既耶。况歐美之行男女同校制。而稍顧風化者。不過於受課時間。使男女各生同在一室。然亦前後異列。各不相侵。至食息起居。則更嚴其界限。莫能逾越。然而素絲易染。白璧易傷。與其後悔難追。孰若綢繆未雨。此吾聖教會之所以於高小以上各校。嚴禁男女同校。而不稍假借也。作者不敢妄肆雌黃。喜爲喋喋。敢人聚訟之階。第恐吾教中執教鞭者。見異思遷。隨波逐浪。以致自入歧途。轉以誤人子弟耳。大雅君子。其共諒之。

雜著 吳家宅及長橋達義第一第二國民學校小史

守璇

茫茫塵世。滿地荆榛。邪說異端。星羅棋佈。放眼國中。不知有幾多人民。背棄真主。陷溺深淵。男婦

老幼。概皆熙熙攘攘。縈情世福。究其實。無非爲逸棧亡羊。逃家蕩子。仁人志士。所由痛民生之迷惑。憂上主之義怒。毅然興起。冀作狂瀾之砥柱。以挽回薄俗。藉盡先知先覺之責任。如前院長顧公。與主心院（小修院）先進諸君子。發起達尼老會。其用意蓋深且遠也。顧公熱心於化民成俗。悲世人之盲從。警聽幽暗無光。目擊心傷。未忍坐視。爰進主心院諸君。告以此志。勗勉有加。聞者咸怦然感動。遂有達尼老會之創設。藉以練習傳教。增長神火。每逢休沐日。裹餼糧。携資斧。二三成群。分隊四出。探望鄉間貧苦老人。撫慰殷勤。示以真理。因此得最後之特恩者。頗不乏人。該會成立後不數月。即在吳家宅。由會員設義務學校一所。取名達義國民學校。其後復在長橋漕河。涇等處。相繼創設。吳家宅。遂改稱達義第一國民學校。長橋爲第二國民學校。漕河。涇。爲第三國民學校。專爲培植失學子弟。啟發民智。增進民德。期以聖教之精神。灌輸於天真爛漫之孩童。使之自然而生。信仰聖教之感念。以作他日棄邪歸正之始基。此種設施。正所謂從根本上着手者也。自來播佳種者。必可收佳果。成效雖非旦夕可期。而將來結果。必有超出尋常者。達義校。悉係純粹義務小學。無論貧富。一律免費。且在試辦時期。書籍筆墨。及一切應用品。皆由校中發給。後見學生中極貧者頗少。如此辦法。經費未免過巨。遂改由學生自備。或以獎券易換。或向校中借用。三校皆無基本金。其常年經費。悉由院長顧公擔任。向各處熱心公益之士捐助。自顧公去任後。統歸繼任院長山公經理。公與前院長同此仁心。後先輝映。對於達義學校。尤爲注意。維持整

頓。煞費苦心。漕河涇一校。因事多掣肘。不得已暫行停辦。而吳家宅長橋兩校。多賴院長之大力維持。得以蒸蒸日上。民國九年秋。委浮槎任吳家宅校務。十年秋。委守璇任長橋校務。某等鹿鹿庸才。魚魚末學。奉命後。深恐主持無狀。不克副吾院長之雅望。朝乾夕惕。不敢稍弛。竊念兩校自創設以來。遠不過五六稔。然其成績。已大有可觀。鄉民之受洗入教。或熱心保守者。時有所聞。舊學生之臨終領洗。或切願入教。口呼瑪利亞。聖名而死者。亦有之。蓋以兩校學生。凡肄業一二年以上者。對於聖教要理。大都明晰。其中有願受聖洗。而以年齒尚稚。未克操信教自由之權。不得不稍待年月。然絕好種子。播於絕好土壤。未有不及時發生者。將來之希望。正未可限量。况此輩純潔青年。每日上課前後。公誦經文。懇求天上神光。每逢主日。又全集本校。做瞻禮。聽道理。教友本分。習練既熟。斯於將來之去邪歸正。似必無甚艱難。此清脆之誦經聲。上徹雲霄。聞者贊歎。上主慈憫。豈有不加哀憐。助佑而導引者乎。兩校又創立天神會。學生中之品學較優。有志進教者。准與入會。每日公念早晚課。實行保守。作眾生之模範。每逢大瞻禮日。由教員率領往徐家滙大堂望彌撒。使之發生種種觀念。促進其奉教熱誠。目下會員約共四五十名。此蓋闢邪崇正。為兩校創設之第一宗旨也。若夫第二宗旨。則在普及教育。故凡國民學校所應有之課程。莫不備具。賴歷任修士之提倡勗勉。成績極佳。現得國民學校畢業證書者。數達三十左右。均由徐滙公學考驗發給。內有吳家宅舊生三名。已升入滙校肄業。切願保守。蒙院長特加青眼。得與進教生同

居。又有兩處舊生二名。往陸家浜。及余山天文臺習練算術。每日得望彌撒。其幸福誠非淺鮮也。民國十年十一月十三日。爲慶祝本校主保及院長本名兩校學生齊集吳家宅。開游藝會。（此會在達尼老瞻禮前後每歲舉行）一以表示緬感院長之鴻恩。一以比較學生今昔之進步。是日留攝一影。藉作紀念。茲特插入聖教雜誌。并擬將兩校小史一併宣佈。俾當世君子。得知其梗概焉。

（一）吳家宅

距徐家滙五里之遙。有村落焉。曰吳家宅。地在老龍華及新龍華之間。畧偏於南。適成鼎足之勢。窮鄉僻壤。未覩眞光。民俗雖醇。類多迷信。自徐滙主心院達尼老會成立後。會員下鄉探老。初次出外。人地生疏。一再問徑。始至該宅。老人吳昌元家。見該處兒童濟濟。盡屬失學子弟。憫焉傷之。爰稟請院長。請設初等學校。院長謂達尼老會宗旨。雖爲探望老人。然不外乎傳教救靈。老人之靈魂固可貴。兒童之靈魂更屬可貴。辦學一事。既可救兒童靈魂。是亦當務之急。遂慨然允諾。吳老人時年八十二。家甚貧。後竟領洗入教。由會員送入安老院。於民國六年春安然逝世。該老爲本校誕生之導綫。誼不可忘。故特表於此。會員既得院長之許可。經營肇劃。不遺餘力。時該宅適有吳君緒春者。以新築瓦屋五椽。時患作祟。曠而勿居。諸修士察閱一週。知於國民校舍。極爲合式。因議租房設校事。奈吳君營業滬上。謀面無緣。遂轉請龍華鄉董吳鄰庭君。卽宅主之族

雜著

吳家宅及長橋達義國民學校小史

十三

叔祖代爲酌議。房主滿口應允。且慨願不收房金。以盡義務。會員以如此辦法。於他日設施上。頗多不便。再三勸導。始允年收十金。作納漕費。當卽立據爲証。以五年爲期。余達義修士內外奔走。主任一切校務。將屋宇大加修葺。屋南隙地。圍以竹笆。藉作操場。校舍氣象。頓爲一新。布置既定。余修士任校長職務。籌備開學事宜。民國五年六月十五日。院長前往祝聖。且行開學禮。遠近鄉民。遣子弟入學者。三十餘人。嗣後日漸增多。平均計算。每歲常達百數十名。此誠創設時意料所不及者。民國六年暑假期過。余君入初學院。袁修士若瑟接任校務。本校創設伊始。余修士以事務倥傯。未暇將經過情形。逐一錄出。袁修士爲之追記。故今日之得知本末。皆袁修士功也。民國七年。袁方濟修士。八年朱瑪弟修士。相繼接任。二修士經驗宏富。才學不凡。慘淡經營。不遺餘力。治理學生。嚴而中肯。且對於地方上感情甚孚。現任教員李佳賓。張雲翔。吳加生等。皆由袁方濟修士所聘任。十年夏六月。校舍租期屆滿。蒙房主盛情。仍依舊章訂約。繼續五年。按龍華一帶。久在佛教勢力範圍。風俗側陋。民智閉塞。自顧公擬設學校。五年以來。聖教真理。得放一線光明。鄉民之頑固成性者。已減去大半。信仰聖教心。亦日見增加。邇來聖牌聖水。且大受鄉民之歡迎。用以鎮壓邪魔。療治百病。靡不靈驗。異常。去秋時疫盛行。來校索取聖水者。踵趾相接。可知上主加恩至深且厚。聖教廣場。蓋有日矣。觀五年來之成效。則此後進步。亦可想而知。吾於是倍生無窮之希望焉。

(二)長橋

迷路亡羊。隨處皆是。故傳教事業。未可限於一隅。自吳校開辦後。未及旬日。有老翁名張義方者。係長橋張家宅人也。偶詣橋校。與某修士寒暄。意頗殷勤。請亦前往設校。徐修士慕悌允之。約日同往。彼處原有私塾一。學生三十餘名。教員趙某。粗識之無。於新教法不甚明瞭。故校務未見振興。既與徐修士覲面。願以該塾歸會中管轄。而已則充任教席。徐修士慎重將事。未敢遽諾。惟此後。時到長橋。探望老人。竊自稽察。知事尚可為。待磋商就緒。即稟明顧公。於民國六年閏二月初八日。即在費家宅地方。租張姓房屋三間。將私塾歸併。留趙君擔任教授。而長橋國民學校。遂開幕矣。取名達義第二國民學校。地濱歇浦。風景幽雅。校舍地點亦佳。負笈來學者。源源不絕。不數日。竟達百餘名。徐修士以學生眾多。一教員有鞭長莫及之勢。乃添聘汪某。分學生為四班。汪君任甲乙兩班。趙君任丙丁兩班。國民課程。應有悉有。規模頗為整肅。徐修士課餘之暇。輒前往視察。徒步往返。勞瘁不辭。不數月。以軀體羸弱。辭去校務。顧公命徐類思。修士主持。而袁修士若瑟。副之。徐修士軀幹魁梧。辦事認真。就職後。即將前任規模。重加修改。學務之興。乃如南畝麥苗。蓬蓬向上。民國六年下學期。院長顧公。以是校託諸大修院。許方濟。修士實膺校長之職。許君性極聰慧。兼長音樂。長校樂科。乃為一振。是年十一月中旬。趙君以故他適。校務亦未見懈弛。至七年夏。學生之有畢業資格者。咸往徐滙。類思校會考。大都名列前茅。得畢業証書者五人。是皆許修

雜著

吳家宅及長橋達義國民學校小史

十五

士竭忠盡智。不殫煩勞之功績也。者假後許君出試海門。袁若瑟。修士專任校務。袁君曾任吳校校長。閱歷既深。經驗又富。乃改聘鞠士隱。劉李侯二先生。爲該校教員。並親臨講壇。循循善誘。傳真道。授科學。任職二載。綱舉目張。繼袁修士後者。爲吳多默。胡慕悌。二修士。蕭規曹隨。有進無退。迄今成績斐然。飲水思源。歷任諸修士之苦心孤詣。均不可忘也。

余文至此。本可作一結束。然此篇用意。尙未醒豁。鄙意猶欲畧陳數言者。蓋以兩地鄉民。居於黑暗。爲日已久。今雖稍放光明。而一傳眾咻。收效尙薄。是以氣象愁慘。未許樂觀。某等承乏兩校。苦無建樹。慚愧曷極。惟有大聲呼籲。敬乞閱報諸君。代求上主。垂憐若曹。俾得如蕩子之早返家鄉。亡羊之咸歸聖棧。他年同登天國。永享真榮。用以副院長辦學之初衷。而諸君榮主教靈之宏功。亦得隨之而不朽也。

專件 福建穆陽玫瑰會恭迎聖母誌盛

十月十八日。穆陽天主堂玫瑰會。開迎聖母大會。各鄉教友。先期鬻集。張燈結綵。製景裁旗。闔鎮通衢。舖設布幔。電光燦爛。陳列輝煌。男女參觀者。衆多若鯽。民教無分。歡然同慶。誠穆陽破天荒之盛舉也。茲將其大概情形。與隊伍次序。畧記於下。第一隊。藤江鄉玫瑰會。會中執事二百人。持三角大旗六面。聖母德叙禱文牌六十面。天地母皇世人主保大旗各二面。露德聖母像一架。景中聖母立於洞前。下有清泉。川流不息。外有大旗一面。上書聖母顯現崖畧。又有耶穌聖誕奇景。

一架。景中布置山洞馬槽。聖嬰牧童等。皆形容畢肖。精巧可觀。第二隊盧峰鄉玫瑰會。會中執事百人。持牌十面。中嵌諸聖聖像。花燈十二。書十二宗徒聖名。又有古聖多俾亞捕魚奇景一架。魚形活潑。游泳自如。第三隊羅家巷玫瑰會。會中執事八十人。大旗直旗各四面。書以讚頌聖母聖歌。花燈八盞。聖家景像一架。像後有泉水。由谷中流出。源源不絕。第四隊外塘鄉玫瑰會。會中執事九十人。持大旗一桿。書以慶祝等字。又大旗四。中嵌讚頌聖母經文。聖母像牌二。直牌四。中鑲諸聖聖像。又有四聖史像牌四。及做演聖母始胎聖景一架。殊爲工緻。第五隊富溪鄉玫瑰會。會中執事一百六十人。提大旗八桿。聖心旗二面。牌十二。皆書讚頌母后之語。花燈十二。燈中嵌十二宗徒之名。童子持花燈者十六。玫瑰聖母渾身像一架。義德之鏡景一架。上懸明鏡。下立天神。神目啟翕自如。左手握秤。右手秉燭。燭中藏電火。忽晦忽明。光怪陸離。觀者咸嘖嘖稱善。第六隊留陽鄉玫瑰會。會中執事五十人。提大旗八牌。四書以讚頌聖母經文。第七隊廉江鄉玫瑰會。會中執事七十人。大旗一。做演除免世罪天主羔羊像景一架。第八隊福安縣玫瑰會。會中執事一百四十人。持牌十二面。繪十二宗徒聖像。背書信經十二端。圓形聖心牌二。鏡二。做演天神報牧童及元祖犯罪出地堂。天主預許救世奇景二架。神持火劍。電火閃閃。凜凜動人。第九隊溪東鄉玫瑰會。會中執事七十人。持牌十面。悉書聯語。頌揚始胎福德。又直旗四面。皆書讚頌母后詞語。聖母始胎奇景一架。像係珍貴古物。雅緻異常。第十隊棲隱玫瑰會。會中執事九十人。持聖像直

旗十二。玄義玫瑰及天神朝拜聖嬰像景二架。第十一隊郵亭前玫瑰會。會中執事八。十八直旗及大旗各二。聖衣聖母。兩天神捧聖架奇景二架。又有聖家自埃及回國。自奇景一架。行走敏捷。旋轉自如。觀者莫不稱奇。第十二隊盧峯玫瑰會。會中執事七十人。持花籃八。榮福五端聖景一架。聖母立地球上。仁目垂視。慈愛昭然。以上十二隊。每隊皆有音樂唱歌各一班。韻調悠揚。歌聲嘹亮。頗爲動聽。第十三隊二十六人。持本會所製玫瑰十五端大牌十五面。中嵌各端聖像。邊繡花鳥。清麗怡神。鮮艷奪目。又有天地母皇銜燈四。本鄉仁愛救靈會旗七面。第十四隊警軍三十名。荷槍而行。第十五隊童子十五人。持各色鮮花十五朵。第十六隊榕垣揚光學校童子軍及音樂隊。沿途奏樂。響遏行雲。第十七隊玫瑰聖母抱耶穌。端立輿中。以八人舁之。與係鑛錫包飾而成。繪以花鳥。聖母像來自班國。慈祥可掬。宛然如生。第十八隊郵亭前多瑪斯修院生爲一排。中西司鐸十餘位爲一排。繼之者爲本鄉教友及仁愛救靈會會員。而本鄉音樂隊唱歌班爲殿。沿途各隊詠唱聖歌。陸續不絕。自晨八時起行。環遶本境。及桂林龍波盧峰郵亭前各鄉。按穆陽與龍波相隔一衣帶水。往返須趁小舟。歷年倡議築橋。因水流湍急。工程浩大。故未創辦。本年歡迎聖母。乃由龍波鄉教友協力贊襄。架造木橋一座。橋上結彩搭幔。雅麗異常。此係千古特創。於迎聖尤增光彩。亦足徵龍波教友之熱誠欽敬也。至午後二時回堂。十九日下午三時復舉行迎聖。時天色瀾漫。霾雲四合。簷雨一簾。丁東不絕。而慈駕遊行時。天雨忽霽。教內教外莫

不讚頌聖母恩澤。計是兩日間。參觀者雖人山人海。率皆循規蹈矩。肅靜無譁。一路燈旗蔽日。歌樂喧天。猗歟休哉。詢穆陽聖教之大光榮也。時有龍波外教人。恭獻頌詞一篇。類皆譽美之詞。茲錄於後。足見民教近來和睦之一斑矣。詞曰。穆陽鎮地處偏。自明季聖道傳。迄於今三百年。三德備。七恩全。各教友信德堅。迎聖母共爭先。城鄉市人萬千行。携手立並肩。民教睦。非偶然。開盛會。集數天。同欽敬。樂無邊。同欽敬。樂無邊。

大足縣黃安德肋行狀

黃若瑟來稿

安德肋者。大足縣之銅匠也。黃其姓。由炳其名。生於一千八百四十八年。兄弟五人。安德肋居其次。母依孀斯張氏。原係青蓮教。一日有某小兒科醫生者。天主教之天神會人也。造其家診病。施送丸藥。不取分文。午間歎以酒食。醫者獨不餐肉。黃母究其故。醫者告曰。我天主教人也。今日適逢瞻禮六。爲紀念天主聖子降生救贖受難之期。凡我教中人。皆不苟葷。黃母再三詰問。醫者以詳告。黃母始恍然悟曰。善哉。貴教也。我向吃長素。信奉青蓮教。而不知尙有真主降世救人。親立之真教也。於是悉心訪道。信仰漸深。久之。遂率全家。保守入教。安德肋誠樸性成。自入教後。謹守教規。未嘗或忽。同邑有彭清順者。熱心老教友也。心許其爲人。因以長女瑪利亞妻之。（卽辣法厄爾彭心始司鐸之胞姐也）安德肋之才德本優。兼有賢內助以匡其不逮。於是敬主守規。遂更加人一等。當光緒中葉。大足余匪擾教數年。時出時沒。安德肋兄弟中。不免有因信德薄弱。而

專件

大足縣黃安德肋行狀

十九

仍貼五字牌。希圖避禍者。惟安德肋東奔西遁。以避其鋒。終不肯背棄天主。其信德之堅。有如此者。安德肋本業銅。作銅煙袋以度日。迨稍有積蓄。卽事貿易。遂不免有賒欠者。旋因避難於川北某處。遇負債者。得收回已欸外。復代胞弟向其人索債。遂將其欸代收。及難平歸梓。述所經過。將代收之錢交其弟。詎知其弟大爲不然。曰。吾數不僅此也。汝旣未確知。吾亦未曾委托。收之不足誠壞吾事。於是聲色俱厲。詈罵不堪。安德肋笑以受之。毫無怒色。又安德肋於貿易時。支人之錢若干。後其人已陸續取去。而復借端索詐。安德肋當卽重給其錢。以寢其事。其忍辱克己。有如此者。安德肋居於邑之東關場。離城四五里。每入城。必道經異教之東嶽廟。戲樓前。當該廟迎神演劇之時。安德肋道經其地。必俯首直趨。其守誠之嚴。有如此者。且其生平不虛擲光陰。除主日外。非集場之期。卽在家率領家人。勤於工作。故其工藝之精。出人頭地。又能節儉持家。從無糜費。所以初雖貧乏。後竟小康。一日。赴四十里外之龍水鎮。負數斤石灰而歸。計其值。不過稍廉數十文耳。其勤儉持家有如此者。安德肋待己雖嚴。而待子女則寬。家中用糧。亦不過儉。工作休息。子女皆欣然從命。時或子女有失。雖未嘗見其呵責。但自覺生畏。各思遷改。其善撫子女有如此者。舉此數端。卽可知安德肋愛主愛人之梗概矣。安德肋終於一千八百九十五年。卽前清光緒廿一年。年。多。月。廿。六。日。也。當二十三日晚上。尙毫無病痛。預備次日赴龍水鎮。迨至次晨。忽病不起。家人倉惶無措。欲爲邀請神父。施行臨終聖事。而是時教難未已。未知神父避居何處。適有一教友。告

之曰。我家亦有病人。渴望神父甚殷。已於前數日。崙人至銅梁縣去接唐神父。約今明兩日可到。時神父果至。安德肋遂得備領臨終聖事。此天主鑒安德肋之善生。而賜其善死。人能一生不棄天主。則天主亦決不棄之於臨終時也。當安德肋臨終之前。伊岳母彭龍氏在旁。安德肋自行請彼同誦玫瑰經。一起一應。精神百倍。且聲音明朗。旋即不能言。而與世長辭矣。於此可見安德肋之敬主。至終不懈也。安德肋有子女五人。皆熱心愛主。妻瑪利亞。終於一千八百九十九年三月。雖無驚人駭世之事。然亦安死善終。夫婦合葬於龍水鎮分水墳。至今數十年。猶有人讚嘆其生平善表不置云。

比利時全國開聖母大會之盛況

譯王遠知司鐸自北京所發西函

歐洲大戰時期。比國慘遭蹂躪。較他國爲尤甚。全國人民。莫不向主呼籲。切求縮短戰期。樞機梅爾洗公。於該該爾倍爾克地方。將比利時全國奉獻於耶穌聖心。并許願於聖母瑪利亞。謂如托賴慈佑。早見太平。自當加倍虔誠敬禮聖母。因此早有開聖母大會議之志願。在比京聖尼各老大堂。有和平之后極古聖像。相傳係十二世紀之物品。梅爾洗公奏懇教皇。於戰事結束後。卽爲和平之后聖母像。舉行加冕慶典。教皇准如所請。其諭文由禮部正式公布。時在一千九百二十一年七月十三日也。

比京主教既奉明諭。當卽通知全國人民。定於九月^{八九}三日。開全國聖母大會議於比京大堂。

九月八日午後八時半。聖女古都爾大堂鐘樓上電火大放光明。闔城照耀。萬鐘齊吼。震耳欲聾。大會議遂告開幕。九十兩日清晨七時。於聖尼各老大堂舉行大禮彌撒。由聖母大會議之總監督主教主禮。午前午後皆有聚議時間。按此次聖母大會議。分有三部。每部設有正副會長及秘書等職。以專責成。第一部。研究古今關於聖母之道理學說。及其結論。如古新聖經之典故。及歷來賢聖之口傳。第二部。研究敬禮聖母之歷史。禮儀經典。悉數搜羅。如各大修會敬母之禮規。各國各方敬母之俗尚。比利時本國敬母之高風。各傳教區敬母之狀況。鄙人深幸於此時際。亦得演講我華人愛母之情形。第三部。討論恭敬聖母之成績與偉業。傳揚敬禮之實習。敬禮聖母之各種方法。露德地方敬禮聖母之一切情形。旁晚六時。舉行聖體降福主禮者。為一位主教。九日午後八時。奏敬禮聖母之樂章。內有庇護第十之大樂章。乃敬禮聖母之新章也。十日午後七時半起。至十時為止。由比國王家樂隊及利愛巨辯來脫利樂隊。同奏歌頌聖母之樂章。泱泱瀾瀾。大啟熱愛聖母之情。此聖母大會議之大畧也。

至和平聖母之加冕大禮。其情形如下。九月十一日為主日。有專車及特別加車。專為比國全國教友參與加冕大禮。是日。人民擁擠異常。誠可稱為人山人海。九時。於聖女古都爾大堂。舉行主教大禮彌撒。由樞機梅爾洗公主禮。教皇代表主教尼各脫拉公。及比國全國主教。副主教。修院院長。及修會會長等。皆在堂與禮。各聖母會各團體之旗幟徽章。皆懸掛於堂中壁柱上。光怪陸

離。甚爲悅目。彌撒中。由大修院及瑪利納唱經隊同唱大彌撒經文。分作六分之複音合唱。和平聖后之聖像。由聖尼各老大堂。迎至聖女古都爾大堂。樞機梅爾洗公。代表教皇。當衆行加冕大禮。先將王冕加於耶穌聖嬰之首。堂中鼓掌如雷。軍樂奏於堂頂之高樓上。繼將別一冕旒。加於和平后之聖首。掌聲復起。樂隊奏樂。唱經班歌唱。瑪利亞爾是美麗無玷者。及我靈感頌吾主。云云。唱經班共有三百人。聲徹九霄。聞者神遊天上云。

加冕既畢。復行迎聖大禮。

甲秩序 一。開首爲軍樂隊。各學校與各團體之旗幟。聖尼各老唱經班。二。十五端玫瑰經之活像裝扮。每一端加十遍亞物之裝扮。皆由青年女子穿彩色鮮服。悉遵名畫家楊森司之繪像。譬如歡喜三端。有一羣天神。口唱亞肋路亞。榮福經等。演扮歡喜五端。天神之服飾。大抵用白色。痛苦五端。則用紫色。榮福五端。則用淡藍色。此等活像。美麗異常。平生從未見及。可謂迎聖母隊中。最精妙之趣點也。三。各會堂口之旗幟。由代表領袖手執。四。赫阿耳聖母堂之唱經班。歌唱該處朝覲聖母歌。赫阿耳地方。有一顯蹟聖母像。教友往彼處朝覲者甚多。半月前。鄙人亦往朝焉。繼之者。爲無數魚貫前行之天神隊。口唱感謝聖母。愛慕聖母。承認聖母爲上天下地第一元后。又爲童貞幼女隊。前後左右。圍侍和平之后聖像。又扮演戰陣聖教會。及榮福聖教會之像。皆異口同聲。讚頌和平之后。又其後爲十二世紀和平后聖像之寶匱。匱後爲新行加冕

專件

比利時全國開聖母大會之盛況

一十三

和平之后聖像。像後爲代表比國九省之旗幟。旗幟後爲和平后之新大袍。係此次籌備加冕會委員公贈之紀念品。袍後爲聖尼各老廠之職員。籌備加冕會之婦女委員會。三百名唱經大隊。隊長皆服古服。長衣掃地。路汶大學院長及其教員。皆服西席長衣。路汶各學校及其旗幟。居來根聖母堂之翰林院員。神品職員隊。司幹脫傳教會修士二百四十名。瑪利納之大修院生。蒲魯塞勒神品職員。各會口本堂司鐸。各大修會。修院長有高冠者。領袖總司鐸。主教。主教班後爲聖體。隨聖體後者爲文武大員。穿高領章。佩寶劍。再後爲地方官紳各界。皆手持明燭。

乙路程 一出聖女古都爾大堂。經參議路。僑民路。王家路。王家大場。山路。宮廷路。若望路。地

丁花路。遊行至大園場。及本京大園場。各休息片時。眾人奏樂唱經。恭敬和平之后。并行聖體降福。本欲遊行他路。惟第一次聖體降福後。天已下雨。衣飾盡濕。因卽作爲罷論。然此次迎聖。秩序極爲整齊。列隊中之修士司鐸等。有一千五百餘人。主教共有七位。一路侍立觀瞻之人。不下數十萬。誠比國古今未有之大慶也。

江南進行會會員參與木瀆開堂盛典記

辛酉美月十六日。爲木瀆新堂開堂之日。本會會長陸伯鴻先生。預派幹事部部長李君鏡清。前往佈置一切。全體會員。於十五夜隨陸君搭滬甯車起程。兼帶普育兩等學校唱經生十二人。及堂中軍樂隊數十人前往。時則星河皎潔。明月在天。雲歛長空。夜涼似水。至十一時抵蘇。卽換乘

汽船直抵木瀆。斯時也。曉鐘初動。曙色方開。諸會員雖竟夕無眠。而精神百倍。絕無倦容。移時陸君率同會員上岸。但見堂內外旗幟飄揚。燦爛悅目。燈紅彩綠。氣象輝煌。六時半。姚大司牧行祝聖聖堂禮。一時西樂洋洋。爆聲獵獵。觀者如堵。實足愈顯主榮也。七時半。主教舉行彌撒。歌聲繞屋。琴韻悠揚。與祭者不下五六百人。男女教友濟濟一堂。亦云盛矣。彌撒中。沈司鐸講道。大致謂陸會長苦心孤詣。經營斯堂。俾君等有拜主之所。諸君將何以報之也。第願諸君爲陸先生日求天主。賜以康健之身體。豐饒之精神。俾聖教會事業發展。異端消滅也云云。午後二時。各會員乘汽車而返。

說林

社會長
篇小說不值一文 (初續)

高勞瑪司鐸原著 悲秋譯意

第二回 重友誼才女戰羣英

當眾人議論紛紛的時候。那吸烟室的門忽然開了。走進來一位夫人。身材纖小。體態輕盈。身上穿一件水灰色四邊鑲黑絨的長襖。腰間繫一根天藍色的絲帶。頭上帶一頂玫瑰紅的軟冠。橫插一枝珠鑲鑽嵌的百合寶釵。手中執一把羽綢八幅的繡傘。眾人一見。都站起來迎接。那柏士篤跑到屋角裡。將袖子撈一撈。坐在一隻碩大無朋的鋼琴面前。叮叮咚咚。奏那恭祝維多麗的調兒。沙兆鶴隨手拿一只古銀盤。迎着那位夫人。恭恭敬敬的鞠了一個九十角度的大躬。引得眾人都大笑起來。那樂夫人更是笑的吃吃不絕。還是那蓓蕾公爵夫人跑上前去。帶笑嚷道。呀。

專件

江南進行會會員參與木瀆開堂盛典記

二十五

瞿如茶侯爵夫人。今日什麼好風。將我們西班牙的大貴人。吹到這裡來。你們還不快來迎接。躲在那裡笑什麼。一面說。一面將瞿如茶夫人拉進來。瞿如茶先是莫明其妙。後來一看大家的形色。心中已猜着八九分了。隨着公爵夫人走進來。深深的向眾人鞠了一個躬。坐在公爵夫人身旁的。一只淡綠絨椅上。侍女奉上喂士克酒。他接來嘗了一嘗。仍舊交那侍女接去。賈立德立刻奉上一枝精美的雪茄。瞿夫人搖着頭說道。不是這個。於是換了一枝煙味最濃的雪茄。抽着了。火預備大戰的樣子。不作一聲。眾人圍坐他旁。亦各不發一語。一若那大演說家登臺發揮的時候。預先手按着胸。不聲不響的站了一刻。等那些聽講的定了神。然後慢慢的講起那驚天動地的大學理來。看官們。你們此刻亦可定一定神。讓他們預備預備那唇鎗舌劍的爭鬪。做書的就可以趁此機會。補一補這位大名鼎鼎。瞿如茶夫人的來歷。一來他是本書的主人翁。二來使諸位曉得他一身千奇萬化的本領。從何而來。

原來這位瞿如茶夫人。是西班牙一位大貴人。他的父親是西班牙世襲的伯爵。叫瞿抱世。膝下祇此一女。愛如掌上明珠。所以從小就千依百就的愛惜他。他說的話。比皇上的聖旨還靈。雖然是一位伯爵的千金。但是他嬌養成性。趾高氣揚。比皇上的公主。還要尊貴幾分。事事要體面。處處要光榮。人說句好。他就喜歡的了不得。人說句不好。他就三日不食。二日不起。心裡不自然起來。因此未免有些藏拙顯能的毛病。後來配與一位班京有名的貴人。就是那顏滿濃侯爵。說起

這位侯爵也是一位不世出的人物。祖上是班國開國的元勳。得了一個世襲的侯爵。到顏滿濃生下的時候。就請班王與班后。做他領洗的代父。足見當時聖恩的隆盛。班王看他生得儀表非凡。龍顏大悅。親手抱他。與他玩笑。後來仔細看他生來不滿匝月的小孩。已經滿口稚牙。完全生長了。於是班王對那老侯爵說道。這孩一身異質。將來定是不凡。好好撫養成人。非但不辱姓顏的門楣。且必大有作為呢。當時欽賜御用金刀一把。作為代父之儀。老侯爵聽了。欣躍不勝。謝了恩賞。好好的撫兒子去了。因此班國上下。沒有不知道這位顏滿濃的。後來長大了。除却挑選食品外。倒也沒有什麼古怪的脾氣。日求三餐。夜度一宿。倒很隨和的。到了老侯爵去世的時候。他已長大成人。就襲了爵位。當時班王發了數十萬大軍。去征服斐洲。他也奉了君令。跟去逛了一逛。後來得了毛病。就回來了。但是國人當他是個征斐大將。更加佩服起來。於是那瞿抱世伯爵。就選他作了東床。顏滿濃得了這位如花似玉的。天上安琪兒。做他閨中的密友。那種幸福。也不必說了。因此處處慰貼。事事求全。博他的歡心。瞿如茶見他丈夫如此的溫存戀愛。覺得事事如意。雖有些脾氣。也發不出來。所以夫婦兩人。十分恩愛。

話說瞿如茶夫人。性喜招搖。他要發顯自己的光榮。所以無論什麼宴會。什麼公共事業。各種慈善機關。侯門爵第。無處沒有他的足跡。今日走進蔭蓄公爵的吸烟室。一看了眾人的形色。心中就明白八九分。他抱了保守的主意。等眾人來攻擊。然後和他舌戰。那公爵夫人。果然忍不住了。

乃開口道。瞿如茶夫人。你今日來得湊巧。我們正有事請問你呢。我們聽說那維多麗王后的昭儀已經選定了。可有這事麼。瞿如茶夫人點着頭笑道。不差。那畢侯爵聽了。慌忙問道。我們預料的。果真不差麼。瞿如茶夫人道。那是千真萬確的。他這句話一說。眾人的面色都變青了。那公爵夫人。不覺怒氣上冲。指着他說道。你這人真是豈有此理。你的話倒好自然。你還有什麼面目來見我們呢。老實對你說了罷。我們這裡的屋太小。我們這裡的地太髒。像你這樣的大貴人。是不該到這裡來。瞿夫人聽了。也倒豎柳眉。圓睜鳳眼。向他說道。你這人真是欺人太甚了。你要罵人。也要打聽得明白。怎麼樣糊裡糊塗就罵起人來。公爵夫人望着他說道。哼。那維多麗揀選的昭儀。豈不是你麼。瞿夫人紫漲了面。侃侃說道。阿唷。我去做那維后的昭儀麼。那個饒舌的撒了這樣謊。你們竟信以為真麼。他一面說。一面將手拿着一條竹青的綢帕。往臉上拭了一拭。那眼皮中的淚珠。幾何墮下來。畢德隆老侯爵聽了。連忙說道。不不不。這事一定沒有的。我們如何肯輕易相信呢。你的行事。是素來受人敬服的。那裡肯做這種賣友求榮的勾當。簡直對你說罷。若是我們果實信了這話。你手上戴的姬后御賜的鑽鐲。早已變成拷犯人的桎梏了。夫人不要生氣罷。請你告訴我們個中到底怎樣。瞿夫人慢慢的說道。那事體我果然知道。但是你們不該這樣的惡作劇。平平空空。使人吃了一肚皮的晦氣。樂夫人聽着。十分可憐他。笑嘻嘻的說道。瞿夫人。你不必動氣了。我們公爵夫人是說玩笑的。你沒有來的時候。他正思念你。你什麼就認真

起來。就是有什麼沖撞的地方。我來賠個不是罷。說罷。就手捧着大腹。深深的向瞿夫人躬了。一個躬。引得眾人都笑起來。瞿夫人也笑着道。你坐着罷。何必偏偏要勞動你的貴體呢。誰得罪了誰。那個生了氣。誰要你賠不是呢。若我真生了氣。吾還坐在這裡麼。樂夫人被他一說。面上覺得過意不去。要討好。反撞了一鼻子的冷灰。於是慢慢退下來。瞿夫人挺着胸說道。提起這事實是令人心裡發煩。原來都是我們那個弄出來的。因為他的參謀韓類德。想鑽雅梅代的秘書位置。時時刻刻來求他相幫。我們那個的性情。是你們都知道的。腸柔心軟。經那韓小子再三懇求。他就答允了。後來他遇見國務卿。就托他設法謀那秘書的位置。那國務卿也一口應承。說道。這區區小事。必當効力。當時我已經猜着他的心思。所以我們那個回來對我一說。我就對他道。你不要得意。那國務卿不是好叨光的。你今日托他辦了這個。恐怕後來他要求你的時候。你就無法推却了。事真奇怪。竟不出我料。昨日晚上。國務卿親自到我家裡。我是一定不見他的。後來不知他二人說了什麼話。那國務卿怒氣沖沖的出去。我一問侯爵。方知他與國務卿反了臉。因為那秘書的位置。果然說定了。但是有個交換條件。就是要我承認做那維多麗的昭儀。我們那個見他要挾而來。已經心裡不自然。而且是維多麗的昭儀。更覺難堪。因此就不睬他。後來大家決裂了。就此分手。所以我來見了你們的形色。我就猜你們的意思。不知誰學着順風耳。千里眼。來報這個消息。但是要報這個消息。也要聽得完全。看得仔細。何苦調三弄四。播弄他人。公爵夫

人笑起來。執着他的手道。你也說夠了。總是我的不是。太性急了。何苦罵人呢。梅蕪芬紅着臉說道。啊呀。虛則虛。實則實。既然沒有的事。也用不着這樣的着急呀。無論如何。總有你的名氏。人方然敢說。不然。何不說張三李四。偏說着你呢。你答應不答應。是你府上的事。人又不能跟着你們。何能知道。究竟怎樣呢。你自己沒理由。開口就饒舌。閉口就調三弄四。誰能顧得前後五百年。若要人不知。除非己莫爲。誰的事可說。誰的事不可說。倒要請教個明白哩。瞿夫人道。呵。是你麼。怪不得。消息這樣的靈通。原來由謝總長處得來的。但是這些總長們。也太無情理了。無緣無故。不管青紅皂白。拆人私家的官信。窺人家的秘密。不然。人家何能知道這個消息呢。就是那姬姐白。王后與吾的情柬。也被他們偷看了。公爵夫人搶着說道。姬后有信給你麼。瞿夫人道。是呀。我於昨日晚上接到的。是請我參與太子亞爾方騷。在羅瑪。初領聖體的典禮呢。所以我不日要預備動身。先到比利時。舍親那邊。住了幾天。再動身到羅瑪。去我那活天主的代表。久未見到。這次可以朝覲聖顏了。佳夢帶夫人接着道。不差。我也想去朝覲呢。於是大家談論羅瑪的景緻。如何風雅。聖伯多祿大堂。如何壯麗。教皇如何慈祥。如何嚴肅。梅蕪芬聽了好不耐煩。站起來告辭走了。公爵夫人也聽的厭煩起來。說道。哼。既是這樣。爲何慶祝教皇的那日。街上懸的燈。都被人打得粉碎呢。祇聽得街上。乒兵擗拍。敲燈碎燭的聲響。鬧個天翻地覆。幾乎造反了。這種傷面皮的事。也肯忍受。何必再要提起他呢。

那畢德隆侯爵呆呆的坐着。因爲他起先聽了梅爵芬的話。入情入理。句句不差。况他是個未出閣的小姐。名譽最重。豈肯無故造謠生事。自取訕笑。然而一見瞿如茶的形色。又不是實有其事。並且顏滿濃。侯爵亦會身歷疆場。深明大義。受過前朝額外的隆恩寵眷。決不致獻媚求榮。因此心中實在摸不着頭緒。用力抽了一口煙。起身踱來踱去。走了幾分鐘。瞿如茶夫人問他道。你的轎車來了沒有。侯爵就答道。來了。你願到那裡。我就送你去。瞿夫人道。我今日覺得不爽快。胸中發悶。頭上火燒的痛。我不別處了。侯爵道。那麼很好。我本要到德國公使館去。與你府上是同道。我就可以送你到府上。豈不兩便麼。瞿夫人點着頭說道。那就叨光你了。於是二人辭別了眾人。上車去了。那些眾人也漸漸的散了。惟樂夫人母女兩人。因公爵夫人有話商議。尙未回去。那畢侯爵的車子。慢慢離開了公爵夫人的府第。直往那德國公使館去了。一路上人聲嘈雜。馬蹄鏗鏘。六街三市。說不盡京城裡的繁華。但是那瞿夫人閉着眼。繃着眉。靠在那車箱上。不住的長吁短嘆。侯爵乘機笑道。天下的事。真是令人莫測。就是照我們今日的事說起來。也真奇怪。但是夫人受的委屈。也算得出氣了。足見天下冤枉的事。無處沒有的。瞿夫人忙道。這也不值得什麼。不過他們這些人。過於耳軟。拾了雞毛。當作令箭。播弄人家。要不是我。早已反了臉了。停了一會。又說道。總而言之。還是我們那侯爵不好。聽不得三句好話。他就去找什麼總長。要求他們。他們這些人。又是一拳不來。一脚不去的。你去就了他。他就來尋了你。若是我們侯爵不去。謀那雅梅代的秘書位置。他們如何會提及我作那維多麗的昭儀呢。畢侯爵指着道。你的行止。真正使

人欽佩。有的人恐怕還謀都謀不到手呢。你竟棄如敝屣。真正可謂忠心故主了。瞿夫人聽了。臉上一紅。將眼向着畢侯爵一望。慢慢的說道。你我都是自家人。還要說什麼呢。方說到這裡。那車忽然停了。侯爵望外一瞧。原來已經到了顏滿濃侯爵的府第了。瞿夫人拖着衣。一手執着傘。下了車。回頭向畢侯爵道謝了幾句。那車就過去了。

瞿夫人上了石階。門役早已開了門。站着他。看見門外停着三套轎車。就一直上了扶梯。回到自己的坐室中。坐在一隻楊妃榻上。那僕婦霞彩。手中捧着一個金鑲的銀盤。裡面放着一只珊瑚杯。盛着濃郁的薄荷酒。也跟進來。將盤放在榻旁。一隻八角斷花的小几上。將夫人身邊的綢傘拿去掛好了。復拿來一枝雪茄。夫人問道。誰在這裡。霞彩答道。內務總長先到這裡。後來貝靈閣公爵與韓來德先生都來了。這時候他們連我們侯爵都在彈子房裡呢。瞿夫人慢慢的飲了幾口酒。想了一會。對霞彩道。我今日不見客了。我心中覺得很不自然。頭上也如火燒的痛。但是我想歇息歇息就好的。你也不必大驚小怪的去告訴侯爵。他一知道。又要鬧個不清楚了。你去做你的事罷。我此刻也不要侍候什麼。有事我再按鈴叫你。霞彩答應着走了幾步。復回來道。方在韓類德先生說要求見夫人。請夫人的示下。瞿夫人聽了。眉頭一縐。說道。他麼。停了半晌。糊塗的東西。我對你說。今日不見客。一概都不見。你去罷。霞彩退了出來。將門簾放了。輕輕的將門鈎脫了。慢慢的將門闔上。下樓去了。瞿夫人見霞彩去了。就閉着眼。想想日中的事。如何是好。尋一個什麼挽回的法。正在出神的時候。那大紅的門簾忽然一動。走進一個人來。嚇得夫人跳了起來。未知進來何人。且聽下期分解。

(未完)

近事 羅瑪之部

○羅瑪教廷與華會。此次華府會議。關係世界和平前途。極爲重大。羅瑪教皇原係提倡和平最力之一人。特派某樞機大臣參與會議。以便得以將會中議案。隨時奏聞。教皇之關懷大局。於此可見一斑矣。

○教皇之仁政。去年十月一日。法文甫爾維哀星期報。載教皇對於俄國饑民。大施賑濟。頒給國幣。至一百萬麗耳。(意幣名與佛耶同價)之多。俄人聞之。定必有口皆碑也。

○可敬高隆沛神父列入真福品之希望。一千九百二十年。教皇列聖女瑪利亞瑪加利大入聖品後。對於可敬高隆沛神父預備列入真福品之案件。格外注意。蓋高隆沛神父爲傳揚耶穌聖心敬禮熱切之宗徒。爲聖女之神師。

近事 羅瑪之部

神父去世後。當時眾人認爲天上聖人之一。卽聖女瑪加利大亦承認可敬必在天上。每年私行瞻禮。恭敬高隆沛神父。惟因時勢不靖。國家多故。耶穌會亦遭困難。所以預備之列品案件。屢經延擱。至一千八百八十年。始行正式列入羅瑪禮部預備列品案件中。一千九百零一年。經教皇良十三正式宣諭。聲明高隆沛之一生言行功德。皆造豪俊階級。列入可敬品。并籌備列入真福品矣。今而後禮部將正式研究。因可敬轉求所得之一二聖跡。是否確實無疑云。

○捷克斯拉伐基與教皇之關係。奧爾慕克總主教 Mgr Stojan, archevêque d'Olmutz 施刀讓公於去年九月三十日。率領屬下教友七百名。旅行至羅瑪。覲見教皇。旅行團中有國會議員等不少。

○瓦諦岡書樓貯藏部 樞機 Cardinal Gaspari 賈斯該公某日與英國時報館主筆談及瓦諦岡貯藏部之目下情形。據云目下正在重行編輯目錄。安定秩序。內有案卷書契。在拿破崙時移至巴黎。後回送羅馬。至今堆積故紙中。毫無秩序。內有無數中古世紀之案卷手蹟甚多。現已命人善為檢點。逐漸裝訂。并編入書樓目錄中。以便考據家參考。翻閱云。按案卷中散失殘闕者不少。甚為可惜。惟英文案卷手蹟。樞機親自檢閱。且已不日告竣。英文手蹟中。有當時教廷非正式駐倫敦之大使 Cardinal Eschsché 樞機埃耳司基內之書札。詳述當時英國天主教及政治情形。他日編輯英國天主教歷史者。大可引為印証之材料也。

○樞機杜蒲爾公薨逝 法國 Rennes 雷納

總主教 Cardinal Dubourg 樞機杜蒲爾公於上年九月二十二日薨於任所。公生於一千八百四十一年十月一日。一千八百九十三年受任磨冷主教。一千九百零六年升任雷納總主教。一千九百十六年十二月四日。晉陞樞機之高位。享壽八十週齡云。

本國之部

直隸○追悼艾君知命 艾君知命。聖名斐理伯。字達天。我教知名士也。前曾充任政治會議議員。對於國事。素具熱心。而於前者反對國教一事。尤為出力。先後四年之久。奔走號呼。提倡上書。聯絡各界。據理力爭。孰意打消國教之目的。已達。而艾君之精力亦衰。此後身體多病。重以心境不舒。隱跡都門。在教立某中校。擔任教育。然其愛國愛教之心。仍未嘗稍減。詎

料於去年舊曆八月二十六日彌撒後。手持聖書二卷。起程他往。竟未言旋。同人等遍找無踪。迨至十月初五日。始行查悉。已於九月十七日。在通縣郝家塢村。被劫殺害。遺骸河中。北京教友等。以艾君前爲反對國教。不遺餘力。近年來與熊督辦辦理水災。又能激勵同人。認真放賑。務使欸無虛發。惠及窮黎。實爲我教中不可多得之人才。現在春秋。不過四十有七。國事教事。正資依賴。今忽慘遭變故。質志以終。痛悼之忱。莫可言狀。爰公請神長。於十二月十日。瞻禮七。爲艾君舉行追思大禮彌撒。通功祈禱。望我教內同胞。均爲艾君求主。俾得早登天國。永享真榮。則幸甚矣。

○武邑縣趙路二鐸致命週年紀念 趙路二鐸皆歐之法國人。前清光緒中葉來華傳教。

近事 本國之部

於直隸武邑縣。庚子拳亂。遭匪毒害。其致命之慘狀。非筆墨所能形容。每年於二公致命之期。該縣司鐸教友等。皆開會追悼。此次因孟司鐸辦賑熱心。教內教外。均沾厚澤。所以武邑官紳商各界。咸來參與追悼。以示民教相孚。時民國十年陽曆六月十九日也。當聖體降福之前。孟司鐸向眾演講趙路二鐸來華之美意。其後橫遭慘殺。並非諸君之過。實乃匪人之罪。今邪風既過。皓日當空。善惡真僞。不難立判。諸君欲明正道。須求耶穌聖心。此極妙法也。言畢。有修士數人同唱。求爲官府等經。知事等。亦各持經本。口誦心維。鞠躬俯首。大表愛敬之忱。禮畢出堂。孟司鐸請來賓齊入大廳。欸以酒點。時縣知事起立演說。畧謂中華教會殊多。其最大最著者。則有三焉。一、天主教。二、儒教。三、耶穌教。然耶穌

一千九百二十二年陽曆一月
教與天主教相去不啻天壤。因該教信徒多不安分。而天主教則於願奉教而不率教者。概皆逆諸教外也。鄙人深望我華將來立天主教爲國教。俾人人得歸正化。共享太平云云。可見公道自在人心。真假終難相混。望眾信友。振作精神。入耶穌聖心軍。每日念呼耶穌聖心。我等懇求爾云云。又誦耶穌聖心。爾國臨格於中國。想聖心至慈。見我人誠切懇求。必將垂憐我同胞。使之及早回頭。同歸聖棧。身後共登天國。享福無窮。不亦休歟。○凡願入聖心軍者。當報名上海徐家匯聖心報館。或懷來縣楊家坪苦修會。或泊頭獻縣天主堂。
湖北○武安鎮天主堂開堂誌盛 湖北南漳縣武安鎮。向有天主堂一座。近因教友日多。每屆瞻禮之期。堂內甚形擁擠。本堂郭魯岩司

鐸。有鑒於茲。思擴充其範圍。乃勸諭教友。量力樂輸。復自解囊。以補不足。於是鳩工庀材。大興土木。閱一年而聖堂告竣。規模宏壯。華麗異常。十年九月三十日。行開堂祝聖禮。中西司鐸前來參與者八位。車格。總鐸。行大禮彌撒。堂內鋪氈懸對。結彩張燈。祭臺上苦像蠟臺。輝煌奪目。彌撒既起。經聲琴聲。鞭炮聲。鼓樂聲。一時並作。熱鬧異常。各地教友歡贈賀儀。羅列十餘席。整隊前來。鳴鑼爲導。中有萬民傘。馬傘。國旗。紀念旗等。各數十方。又有洋鼓洋號。鼓吹手及軍隊等隨送。途次高唱聖教廣場歌曲。聲震山嶽。觀者人山人海。莫不嘖嘖稱善。官紳學商各界。亦各送賀儀。內有對聯三十餘副。序文一通。是日大門前五色布紮牌樓一座。大廳外彩棚一座。長六丈。寬二丈。內有圈門兩道。分爲三進。四

面添設花欄。爲來賓讌會之所。聖堂亭閣。客室走廊。陳列菊花數十盆。內有數種。竟如頭號大碗。實在可奇可愛。又有外洋花草。鮮美絕倫。門窗楹柱。皆用柏枝裝飾。雜以彩花。遊客左顧右盼。大有應接不暇之概。此次慶典。誠吾聖教會之榮耀也。茲選錄對聯數則如下。欽維聖教。行速若風。似築靈臺。功成不日。南漳縣知事贈云。愛眾親仁。世之師表。講經論道。民乃景從。高等學校贈云。聖教昌明。宜中宜外。臺閣雄傑。美奐美輪。郵政局贈云。大道惟公。中外一體。匠心獨運。遐邇同瞻。福音堂贈云。美奐美輪。有基勿壞。爰居爰處。其道大光。宜城縣郭團總贈云。教闡歐風。堂開松棟。譜同魏系。酒晉菊樽。宜縣朱團總贈云。積翠流丹。範圍宏闊。瞻雲就日。堂構輝煌。胡藹蘭

司鐸贈云。革故鼎新。規模巍巍矣。非直爲美觀也。歸原返本。主宰赫赫。須從而恭敬之。車司鐸贈云。聖宇輝煌。斯飛斯革。宗乘超越。是訓是行。南漳縣眾會長贈云。望重德隆。教品特尊。於人爵。鼎新革故。竣功已達。乎主心。武鎮保衛團贈云。獨闢大觀。高凌雲漢。廣揚聖教。化被中西。鎮守使調查員贈云。德量侔地。天開拓聖堂。億萬人民。資庇廕。頌聲徧道途。胥遵教誨。許多賢智。受陶鎔。照像館贈云。廣被仁恩。膺民覺世。經營鉅製。凌漢摹霄。襄陽進行會贈云。善頌禱。俱成兩美。致敬恭專。詣一尊。官君贈云。局度堂皇。規天矩地。仁化普徧。震古爍今。施君贈云。登岱曠觀。敢云小魯。瀛洲回顧。用畏民岩。郭牧名登瀛字魯岩。其餘賀聯若干副。及序文一通。因

篇幅無多。概行割愛。

四川○仁愛堂舉辦真福慶典 去冬陽曆

十一月杪。川省天主教堂舉行遠東七十七位

真福致命瞻禮。先期重慶仁愛堂孔司鐸。以真

福之中。原有前川省主教徐公。前川省本國司

鐸趙奧斯定。袁若瑟。劉保祿。劉達陡。四位。及男

女信士數十位。皆在應受吾人崇敬之列。又因

真福劉達陡之遺骸。現尚供置該堂內。特請舒

大司牧蒞堂舉行彌撒聖祭大禮。並東邀附近

各司鐸前往與禮。並經知照神學大修院及明

誠中學校。悉來共襄盛舉。屆時城內外學界暨

教內人士。均踴躍來堂。參與盛禮。並有在教外

來賓。如法領事。法醫士。法商等。至教外來賓。亦

復不少。當舉行聖祭時。歌唱隊高唱經文。教友

團專誠祈禱。誠盛典也。(錄崇實報)

安徽○一主教兼轄三會長 江南傳教全

境業已分爲江蘇安徽兩區域。各有代權主教。

俱仍屬於耶穌會管理。上月杪。監會鐸宣公。奉

耶穌會總長之命。巡視江南教務。茲於本年元

旦。公布安徽一省。將按三道尹行政區域。分立

三位會長。而統屬於一位主教權下。以符一區

域之制云。

江蘇○江寧政教酬酢記 客歲江寧王省

長鐵珊。(係前清翰林)曾親書對聯一付。專差

送至天主堂。桓司鐸亦請土山灣圖書館。油繪

省長小影一幀。呈送省署。以答盛意。省長接受

之餘。不勝欣喜。即手書致謝。復送親筆對聯兩

副云。

外國之部

法國○露德近聞

八月十八日。蒙刀旁主

教馬爾低公率領屬下三千教友。至露德朝覲聖母。同時又有沙隆須瑪納之主教底線公。及拂來矩斯之主教利倍爾公。亦領屬下教友各數千人。朝覲聖母。露德醫院專遣看護諸人。照顧病人。護送至山洞靈泉處。十八日午後。朝覲團即整隊上山。公眾祈禱。其時天降微雨。尚無大碍。五時恭迎聖體。朝覲團之病人數百名。專侍隨於聖體之前後。玫瑰大堂前。人山人海。擁擠異常。恭迎聖體者。除司鐸之外。有主教五位。馬爾底主教手捧聖體。屢次將聖體置於病人首上。大尼厄爾司鐸在旁鼓勵病人。高呼求主愈病。其餘教友亦助病人高聲呼救。聲徹雲霄。聞者為之動容。本日尙未聞有病人忽愈之蹟。夜間黑雲四散。公開提燈會。甚形熱鬧。公唱信德誦後。五位主教會齊降福眾人。遂行散會。

近事

外國之部

十九日瞻禮六。七時半。奧斯定會會長茅蓬君為病人舉行彌撒。三位司鐸不停分送聖體。歷時甚久。其時靈池前有升天會修女。指揮病人隊。熱心求主。冀得痊愈。本日清晨。又有四隊專車。送來鮑爾道蒙。奧爾來。盎巴黎。四處之朝覲團。午後三時至五時。公迎聖體。三時半。在山洞前念玫瑰經時。有一病人忽自病床起立。行走如常。此為一二十六歲之青年女子。久患脊骨腰骨痛症。從去歲至今。常在聖類思醫院。該病之痊愈。實為奇異。經四位醫生悉心研究。認為確實無誤。又有一女年三十歲。名儒利愛德。南洒。患癆症甚重。昏迷不省人事。命在垂危。八月二十日。第一次入靈泉後。始知身在露德。第二次浸入靈泉後。覺身體甚為舒暢。彼一連十四月之久。未離床褥。從未起立步行者。至此。由山

一千九百二十二年陽曆一月

洞前步行。回至伯爾納德醫院。飲食如未病者。然二十日至檢驗病人處。經二十位醫生審查。知實已完全痊愈。馬爾香醫士曰。此病之愈。實為奇異。因前日患病之形蹟。早已隱沒無踪。除非靈蹟。人力萬萬不能如此迅速奏效也。據露德靈泉處日日報告。病人浸池者。八月十八日。男二百四十八。女四百十九。男三百九十七。女九百四十五。二十日。男五百零八。女一千四百九十八。二十一日。男五百。女一千九百二十二。二日。男四百五十。女八百五。日中共有病人七千六百四十六人。男女看護病人者。共有一千六百人。按去年聖母升天瞻禮。朝覲露德之男女教友。為數二萬有餘。主教共有四位。有比京聖爾伯各滿耶穌會大學之學生。除有愛爾蘭青年會會員。有美國紐約教友。由紐約主教率

領。八月內。露德之朝覲團。有鮑爾道安哥雷。呂松。罷院。黎耳。格來爾。蒙灰。耶。囊西。磨冷。勃呂。塞耳。拂耶。特爾等處。九月七日。葡國前王。瑪孛。厄爾。以個人名義。前來朝覲。取名 Tomie d'Ourém 烏雷沒伯爵。無人知覺。雜人叢中。追隨迎聖體。隊中頗著熱心善表。九月八日。於山洞前恭領聖體。其時已有人知其為葡國前王矣。統計自八月十五日起。至八月二十二日止。朝聖者共有六萬八千人。前年同時。僅有六萬三千人。二數相較之下。則去年勝過前年矣。

○撒萊脫聖母顯示之第七十五週年。去年九月十九日。為法國撒萊脫聖母顯示後第七十五週年之日。除本處教友不計外。遠省朝覲者有一千二百人。大約馬賽。尼未。蒙貝連。撒哇。亞爾伯里昂。聖戴丁。磨稜地。勃讓。松巴。

黎。瑞。士。國。比。利。時。國。英。國。等。皆。有。先。期。遠。道。前。來。者。十。八。日。至。十。九。日。之。全。夜。堂。中。專。行。感。謝。聖。母。及。公。眾。祈。禱。等。工。外。間。提。燈。會。因。天。氣。甚。佳。大。為。熱。鬧。同。時。公。拜。苦。路。公。誦。玫。瑰。經。半。夜。子。時。舉。行。首。臺。彌。撒。翌。日。主。日。清。晨。公。迎。聖。母。由。領。袖。總。司。鐸。主。禮。其。大。禮。彌。撒。由。本。地。主。教。Mr. Cahill 賈。耀。公。親。行。主。禮。彌。撒。畢。賈。主。教。自。行。登。臺。演。講。七。十。五。年。前。聖。母。顯。示。之。事。蹟。大。足。啟。人。熱。心。午。後。三。時。至。四。時。之。間。即。一。千。八。百。四。十。六。年。九。月。十。九。日。發。顯。之。時。由。副。本。堂。司。鐸。演。講。當。時。聖。母。顯。示。情。形。詳。為。分。述。朝。覲。團。聞。之。大。為。感。動。按。撒。萊。脫。小。村。產。傳。教。司。鐸。極。多。今。分。行。於。法。國。各。省。與。比。國。瑞。士。意。大。利。波。蘭。合。眾。加。拿。大。巴。西。等。國。以。及。瑪。達。加。斯。加。爾。島。共。有。三。十。一。座。修。院。十。七。主。教。區。域。有。月。

近事 外國之部

刊三種。一爲法文。二爲英文。三爲葡文。近又新出波蘭文月刊。爲紀念聖母顯示後七十五週年慶典。傳教士今計共有四百人。十年後定可加倍其數也。

英國○江蘇耶穌會朱修士在英國晉陞司鐸。去年八月二十四日。英國海斯丁斯奧爾神學大修院。有耶穌會修士二十八位。晉登七級。我國朱君者。亦與斯榮典矣。主禮者爲倫敦主教 Mr. Amigo 雅彌高。禮儀重隆。進退按節。在堂諸人。莫不肅然起敬。教會禮儀感人之深。固非數典忘祖之 *Memories* 守禮派。所敢望其項背也。吾國得朱君爲代表。堪爲同人生色。同人亦詎能不發一言。以表賀悃。而誌榮幸。緣是當羣聚禮堂。祝頌新鐸時。同人某君。取吾主止風浪事。以法文申其心意。大旨謂際此邪說潮

湧。偽學風捲時代。人之處世。無異一葉扁舟。徘徊汪洋大海中。環顧我中華民國。除大多數沉迷於佛道二教外。無神唯物等學說。共產均財等主義。刻亦衍波揚流。鼓吹一輩。而耶穌異教。且將風靡於全國。故中有主速救我。行將亡矣。之呼聲。今日情形。誠不減於昔日熱納撒肋海中。也。末言。今日實受神權。為基利斯督之真代表。他日指破迷津。作教會之領港人。平風靜浪。端賴司鐸云云。翌晨二十五日。朱司鐸首次獻祭。徐宗澤司鐸贊禮。張端六康思誠二君輔祭。四人之身。果遠處西歐英島。四人之心。則縈迴東亞祖國。仁哉主心。其念朱司鐸首祭之功。賜中國失路亡羊。早歸聖棧乎。

○英京誓反教之某女修院全體歸化 離英京不遠之誓反教救世女修院。內有修女六

十名。全體改入天主教。此為追隨 (C. New) 賈爾代女修院歸化之表。事在一千九百十三年。

○斐洲南境開聖體大會 斐洲南境那達耳之增刀高地方 (Cudicow (Natal) (英屬地) 傳教司鐸會集教民。於去年五月十六日起至二十日止。開第一次聖體大會。到會者為斐洲土人之青年隊。年歲由十歲至十六歲為止。共有一千二百人。內有步行十二時之久。始能到會者。先行三日避靜神工。每日七時至九時。舉行簡禮彌撒。全體公領聖體。後虔拜聖體。午後四時至五時。演講聖體道理。同時到會者。有司鐸十二位。男女教職員四十人。地方學務視察員。亦親行與禮。以示鼓勵。歐人到者僅數名。末日公行迎聖體大禮。教友整隊巡遊者。共一千三百人。幼童之歌聲。經聲。高徹霄漢。激起地方人民

之感動。他日教化之廣揚。可遙爲預祝矣。
 高麗○漢城主教雙慶誌盛(續上期)一千八百八十五年。傳教會令摩戴爾司鐸爲高麗滿洲等處教務代表。至巴黎。會議傳教進行事務。摩鐸不得已。暫離高麗。教友不勝愛痛。越五年。高麗主教勃朗公出缺。教皇特簡摩鐸繼任。一千八百九十年九月二十一日。摩鐸受傅油祝聖。禮於巴黎樞機利誥爾公之手。數月後。新主教遠返高麗。入境任職。時法國新與高麗互訂通商傳教條約。(一千八百八十八年)教務稍形起色。一千八百九十一年。主教致傳教部函中有云。余六年之久。不在高麗。固知教務漸有進步。然須余親回高麗。目見事實。然後認爲確切不移也。目下不必如前日之晝伏夜行矣。不必穿孝子之服矣。青天白日。可以出頭露

近事 · 外國之部

面矣。傳教士皆有護照。可以自由出入。在漢城及附近各處。竟可穿司鐸之黑色禮服。不久內地亦有變動。傳教自由。漸漸可望。(以上摘錄主教之函)然主教於三十年中。謹慎從事。黽勉辦公。不知幾費辛勞。方得創成種種偉業。蓋高麗政府。表面上雖有自由傳教之約章。然按之事實。不過爲紙上空談。未幾內亂發生。中日之戰起。爲傳教事務。更多一番荆棘。一千八百九十四年。中日戰後。高麗脫離中國。國內更形擾亂。一千八百九十五年十月。國后被弑。一千八百九十六年。高麗王避難於俄使館。數月後。自稱爲大韓帝國。以示獨立。一千九百零四年。日俄之戰。日人佔勝。高麗竟成日本屬國。一千九百零七年。大韓皇帝禪位於太子。一千九百十年。韓國爲日本并吞。國遂亡。然國人排日思

想從此發生。至今有加無已。主教際此時艱。只得暫處中立地位。然對於創設修道院。培植神品班。則認爲重大問題。所以竭力進行。不稍回顧。初漢城附近七里許。有地名諒山者（譯音）在漢江之旁。小山之下。離致命聖人受刑地不遠。建有平房。以居修士。一千九百年。添造修院小堂。嗣後擴充兩次。修院遂煥然可觀。當主教回韓時。僅有修院生二十人。今則已有百餘人矣。在三十年中。由修院晉升鐸品者。共有三十位。若對於歐洲修院而論。則此區區微數。何足重輕。然在韓人視之。則甚爲重要也。因此處修院生之選擇。頗嚴。讀書之期限甚長。此三十名之數。實出於意望之外者也。除修院外。主教注重者。爲修女院。延請法國沙爾脫爾之聖保祿會修女。經理院事。一千九百年。修女初至。

因水土不服。疾病死亡。相繼發生。幸創立初學院後。本地女子入院修道。於是孤兒院。醫局。女學等。先後成立。本年總計西國修女十人。高麗修女七十八人。管理孤兒院二所。醫局二所。學校若干處。一千九百年。全國無西式聖堂。今則到處皆有矣。漢城南門外。有聖若瑟堂。高可十丈。一千八百九十二年。主教祝聖主教座堂之基石。至一千八百九十八年。大工始行告竣。聖堂爲螯底格體。作辣丁十字架式。長六十五邁。當闊二十邁。當容教友三千人。鐘樓之十字甚高。遠近見之。知爲救世主贖罪之標記。理宜列爲韓京勝蹟之一也。外省聖堂。漸漸建築。大概爲巴斯內司鐸之建築工程。目下高麗全國。共有大小聖堂一百七十三處。雖非盡爲西式。然聖教之發達。從此可見。

（下畧）



影遺麓秋公潘任主誌雜本

本雜誌主任潘公秋麓逝世

潘公諱谷聲。字秋麓。聖名若翰保弟斯大。江蘇青浦人也。一千八百六十七年九月二十五日。生於上海董家渡。年幼。負笈徐匯公學。校長蔣邑虛司鐸。稱爲神童。一千八百八十四年六月二十二日。進江南修院。一千八百八十八年九月七日。入耶穌會。凡科學。哲學。神學等等。靡不悉心研究。融會貫通。議論風生。常爲同堂所景仰。一千八百九十八年六月二十八日。晉陞鐸德。傳教於寧國徐州等處。二次任徐匯公學校長。旋任震旦大學院副校長。一千九百一十一年八月下旬。任聖心報主筆。發起聖教雜誌。而本雜誌遂於一千九百一十二年一月。開始出版。公又編輯各種國文教科書。經理崇德啟明校務。訓導獻堂會修女。及初學院修女。先後十年。擘畫周詳。功猷卓著。公慨念教中子弟求學之難。欲多植人才。每以開設師範學堂爲己任。處心積慮。八易春秋。卒得上游之允准。師校遂於一千九百二十一年秋季宣告開幕。方冀克享遐齡。俾諸生得資領袖。孰意諸事尙未就緒。而公竟與世長辭。嗚呼傷哉。謹按公軀體素肥。用腦太甚。一千九百二十年一月二十一日。忽覺半身不遂。一二月後。稍見復原。同年復活瞻禮前四日。忽又中風。後仍稍愈。一千九百二十一年七月中旬。舊病復發。自是以後。精神日見減少。十二月十七日。病勢轉劇。二十一日。領終傳禮。時公神志清明。端坐椅上。手持經本。親答禮文。二十四日午後八時。忽然噤口不言。自是滴水不嚥。一連六日有半。公於手中常持念珠。至死未釋。左手左足。起初三日內。不時引伸。蓋內苦難忍。似有所要求也。右半身。則全不能動。三十日夜間十一時四十七分。忽雙目注視侍終之張司鐸。張鐸知爲告終之記號。乃手執苦像。令其仰望耶穌。并誦救罪經及各種大赦短經。公輕輕作吐氣狀二次。相離約二三分之久。吐氣後。卽呈熟睡之狀。惟頭額胸手等處尙溫。至三十一日零時三十分。頭胸等處。皆漸寒冷。公在病時。嘗言願求聖母。賜其終於瞻禮七。果然聖母允其所求。卒於三十一日零時半。卽一千九百二十一年末瞻禮七之第一時也。茲懇閱報諸君。爲公祈求天主。賜之早升天國。

本社同人啟

中外大事表 (凡事發生之日多以載於各報者為憑)

十一月廿一日外部向美使抗議廣東市政借款並申叙去年通告各國凡不得中央政府同情之任何借款不負責任奉天南征軍為張宗昌之一師鄒芬之十六師為第五混成旅以王大中為兵站處長奉天錦縣山海關直隸贛鄂等處設十二分處費二百萬中央與奉天各認其半

廿二日閣議內部請十年十月起鹽署每月劃庫券七十萬及鹽餘三十萬撥充京畿軍警餉決先照撥 香港英德全城被焚該縣人民集議遷縣

廿三日俄新黨請派商務特權員駐新疆楊增新以去年臨時條約未規定不允 政府以孫文與猶太人訂立借款用作軍費特照會美舒使設法阻止以弭內爭

廿四日奉張作霖將任蒙古經畧使統治奉吉黑熱察綏軍政裁巡閱使任張作相督奉

廿五日英艾使赴外交部謁顏外長顏以廈門英領飭英水兵登陸強令建築飛橋之太古碼頭特向艾使抗議○日

廿六日領事交涉安東關徵收出口漁稅謂奉天省署與日本都督府訂立通商漁業契約在先故政府甚難措詞

中國具體提案已擬定(一)關稅(二)治外法權(三)租借地(四)特殊權利(五)外人駐兵(六)魯案

廿七日外交團對政府增加關稅二成半之提議表示同意但須俟華會有結果方能決定答覆 鄂劉承恩辭省長甚堅決

廿八日河南省長擬袁乃寬旅京豫人反對甚烈謂為洪憲餘孽 日本反對二十一條要求但必保有滿洲已得利

廿九日陳光遠向某公司借一百萬以江西烟酒印花作抵

政府與華銀團商借款八百萬各銀行未允結果由大陸銀行承借一百二十萬月息一分八釐

三十日吳佩孚電蕭耀南自十二月份起鄂省鹽稅餘款全數截充軍費 華盛頓電撤退外兵案日本意見如下(一)膠濟路警備隊俟中國編練警察後可撤(二)漢口安甯可擔保時日本即撤駐漢軍隊(三)天津日兵俟時局安甯後可撤(四)中東路日兵與西比利亞軍隊同時撤回(五)南滿匪熾暫不撤兵

十二月一日陸軍部員司以積欠薪水五月要求蔡成勳籌發蔡不允行將同盟罷工又參謀部員主張與陸軍部取一致行動 滬甯路向英商借款分期交百萬除折扣及利息祇七十餘萬

二日院通電各省聲明軍財兩種主張三十日始發出主要(一)劃分中央地方財政(二)全國兵數限六十師(三)裁釐加稅

三日徐靳因中交兩行擠兌有意見徐東海欲辭職靳雲鵬欲去津二日晚郭則澐調停至黎明始出府 張作霖電曹錕共決令各軍長以後應解中央之款不再截留奉省應交中央之關稅鹽款亦已照數即發其中中央所欠奉軍餉百萬不再催索並請從長計議持久之策

四日徐總統囑張壽齡決辭職昨夜去津 外交部會議酌納英美調停魯案 日人在膠濟路添守兵一中隊武裝警察二百名據聞尙有大批軍隊續到

五日使團消息外債到期不還以交通債為多中國欲避免共管鐵路年內須還二千萬路債 羅瑪教皇當歐戰時頗受協商猜疑現已冰釋各國所派教廷專使漸都恢復原狀吾國亦擬提議派遣專使

中外大事表

四十七

六日閣議決增設駐巴拿馬公使由駐古巴公使兼任張作霖擬保王永江實授省長代理財政兼鹽署長鍾世銘將改為署理英公使銜魯人請允阻止田中玉與坎拿大公司三百五十萬美金借款美華僑發起中華航業公司資本一千萬請立案

七日施願王三使電撤消客郵案西比利亞通車後郵件如何辦法請交通部速覆以便向日本催促小幡函交通部橫濱正金銀行借款日金千萬到期利息二十五萬零速籌付

八日京漢路局進行三借款(一)材料借款額日金一千萬以全路收入擔保(二)債票借款額五百萬(三)南段借款額三百萬以鄧城至漢口路線擔保定陽曆年底成立兩湖巡閱使署原定漢口開保定會議因地勢關係改設岳州

九日政府調查全國地畝若無確數現按光緒十三年冊報各直省田地共八萬六千六百萬頃又二十一萬六千四百餘方丈以每畝加稅二分年可得二千萬弱擬以加賦擔保發行公債

十日交通部咨外交部膠濟路警察業已編練就緒專俟槍械撥到即可遣往請查照新楊電葉城縣華人披英約騙誘投入英籍帕合普一莊已有數百戶抗不納稅似此滅國新法請迅與英使交涉○英政府讓步七日公布允淮南愛爾蘭為獨立自由國

十一日財政部咨稅務處航空運輸免費請展限一年新總理電蕭督預賀兼任省長蕭覆允暫攝仍請另簡賢能天津日捕房因電車上黏貼反對魯案直接交涉捕去稽查多人

十二日張作霖電保葉恭綽回交通總長任○日本因四國協定成立對於海軍縮減問題將讓步承認十分之六比例輿論滿意華盛頓電英日同盟今日取銷

十三日津商會通電全國商會請一致爭魯案電費由交通部記賬並請各領事准租界商民懸旗表示加入游行各國在華郵局定一千九百二十二年元旦撤消黑省議會電日本在滿蒙殖民請電華會代表抗阻陳炯明定十二月內裁兵酌定百分之三十

十四日張懷芝因欠薪無辦法辭參謀總長職徐慰留張意仍決辭任傳榜覆交通部滬寧路欠滙豐九十餘萬待措滬杭甬存項不敷本月開支請勿再提款

十五日閣議張家口殺虎口多倫二關更名張虎多稅關改解稅餉辦法法使謁外交顏惠慶擬以賠款一千五百萬佛郎維持中法實業銀行

十六日葉恭綽請奉張作霖投資交行並擬中交兩行合併改組一國家銀行銀行公會聞訊極為詫異九江自治會電蔡儒楷以南潯路押日債三千萬元贛人誓不承認

十七日靳雲鵬因交通張志潭免職已逐決辭今日到國務院囑辦交代朱啟鈞梁士詒組閣尙未同意擬外交顏惠慶先暫代閣議決定僑務局官制郭則任總裁李欽副之楊增新電俄人不時蠢動擬添募新軍五營游擊一營以資鎮撫餉械由新省自行籌措中央已允

十八日齊燮元王瑞電院請將中央直轄之烟酒印花沙田官產四項收入截留充餉中日已議決於九個月內日本交還中國膠濟路中國付日本五千三百萬金馬克

十九日截至十二月十五日止吳佩孚共提京漢路款一百七十七萬新閣提出總辭職昨晚徐張急電曹銀請其即日來京共商改組辦法

二十日財政當局正進行一二千萬萬債以熱河圍場魯東清吉黑森林江浙南淮蘆雁兩淮荒地為抵押品每處平均一千二百萬表面為中日合資日資本家派員來京接洽一千九百二十一年十二月二十日江蘇主教姚准刊

求爲中國聖教廣場誦○一千九百零九年陽曆五月二十七日奉教皇庇護第十位諭凡信人心悔虔誠誦左列經文求天主賜中國本境及蒙古人進聖教每次得三百日大赦可讓於煉靈如日日誦則每月可隨意擇一日告解領主拜公堂按教皇意祈禱得一全赦亦可讓於煉靈若教友不知文字或以無此經文不能照誦則念天主經聖母經聖三光榮頌各二遍并行別種善工如以上所言者亦可得大赦

吾主耶穌基利斯督普世人類獨一之救援爾已廣行權力自此海迄於彼海自此河迄於地涯懇卽垂憐爲中國蒙古仍坐幽暗死影最可憫惜之人啟爾至聖之心俾因爾無玷母至慈童貞瑪利亞及聖方濟各沙勿畧轉達舉皆棄絕邪神敬拜爾前歸附爾聖教爾乃生與王於世世者 亞孟 天主經 聖母經 聖三光榮頌

土山灣印書館特別啟事

本書館印行之國民學校國文新課本每冊後聚集冊中生字編成小字彙復將各字顛倒聯絡以便兒童溫習查考練習之用近接留心教育諸君來函謂小字彙爲蒙童無甚裨益不如與正文分訂而使書價稍廉本館茲遵雅意特將此書分兩種出售一爲止有正文者二爲附有小字彙者惟因邇來紙價太昂所定價目與前次不無出入想大雅諸君子必能有以諒我也

茲將價目分類列下

無小字彙者每冊售洋七分

附小字彙者第一冊售洋九分

第二三冊各售洋一角

第四五六七八冊各售洋一角二分

注意 自陽曆二月十五日爲始凡訂購此項教科書諸君倘不指明欲兼小字彙者概以無小字彙者發奉

中國文課本菁華

全書出版每冊定價三角

啟明女校國文教員鄒弢編本書之特色主要點約舉有五一全書共四冊文理由淺及深循序漸進二專選文理通達之古今名人文字俾學生易於解悟三古體文字一律不用以便學生之記辨四地名國人名等均有符號標明以便學生一望而知五每篇結構之法遇有特色處插加評語以表作法其餘特色不勝枚舉全書四冊均已出版

土山灣印書館謹啟

國民學校國文新課本

法文譯本

第一二三四冊已出版

此書由孔明道司鐸取本館編輯之國民學校國文新課本譯成法文專供外人有志研究國文者之用可以作自修本亦可作課本內容大概如下首列本課各生字之官音土音平仄聲及詞類並將各主要意義譯為法文次為本課

及語詞之譯音及譯義現第一及第二三四冊

已印竣有華文對照者售大洋三角無華文對照者售大洋二角倘蒙賜顧請向本館接洽為荷第五至第八各冊現在編輯中特此附告

土山灣印書館謹啟

高等小學國文新課本

是書全部六冊第一第二第三冊已再版第四冊現在再版中每冊售大洋一角三分

土山灣印書館謹啟

聖教楹聯類選出售

是書為東蒙古張智良司鐸編纂其中楹聯種類甚多應用頗廣別為天主聖母神聖教禮賀輓工商居處新春等部凡教中適用各聯莫不應有盡有彙印成帙鉅細不遺長短僉收平時披覽足以補助文學臨事摘錄復能得所依據俯拾即是自不致遇事竭蹶或蹈入異端之險初集業已出版定價大洋三角半